



1 2 3 4 5 6 7 8 9 20 1 2 3 4 5 6 7 8 9 20

C 40-4814

了翁上座請大藏及有  
家書置之武州華隱山  
我微笑歸院庭府中未  
為學者不敢許出院內  
當山二世鐵牛機謹認



B 64853



大寶積經卷第一百一十六

梁三藏曼陀羅仙譯

文殊師利說般若會第四十六之二

爾時舍利弗白佛言世尊如文殊師利所說般若波  
羅蜜非初學菩薩所能了知文殊師利言非但初學  
菩薩所不能知及諸二乘所作已辦者亦未能了知  
如是說法無能知者何以故菩提之相實無有法而  
可知故無見無聞無得無念無生無滅無說無聽如  
是菩提性相空寂無證無知無形無相云何當有得  
菩提者舍利弗語文殊師利言佛於法界不證阿耨

1 2 3 4 5 6 7 8 9 20 1 2 3 4 5 6 7 8 9 20

多羅三藐三菩提耶文殊師利言不也舍利弗何以故世尊卽是法界若以法界證法界者卽是諍論舍利弗法界之相卽是菩提何以故是法界中無衆生相故一切法空故一切法空卽是菩提無二無分別故舍利弗無分別中則無知者若無知者卽無言無說無言說相卽非有非無非知非不知一切諸法亦復如是何以故一切諸法不見處所決定性故如逆罪相不可思議何以故諸法實相不可壞故如是逆罪亦無本性不生天上不墮地獄亦不入涅槃何以故一切業緣皆住實際不來不去非因果非不因果何以故法界無邊無前無後故是故舍利弗若見犯重比丘不墮地獄清淨行者不入涅槃如是比丘非應供非不應供非盡漏非不盡漏何以故於諸法中住平等故舍利弗言云何名不退法忍文殊師利言不見少法有生滅相名不退法忍舍利弗言云何復名不調比丘文殊師利言漏盡阿羅漢是名不調何以故諸結已盡更無所調故名不調若過心行名爲凡夫何以故凡夫衆生不順法界是故名過舍利弗言善哉善哉汝今爲我善解漏盡阿羅漢義文殊師利言如是如是我卽漏盡真阿羅漢何以故斷求聲

1 2 3 4 5 6 7 8 9 20 1 2 3 4 5 6 7 8 9 20

聞欲及辟支佛欲以是因緣故名漏盡得阿羅漢佛告文殊師利諸菩薩等坐道場時覺悟阿耨多羅三藐三菩提不文殊師利言菩薩坐於道場無有覺悟阿耨多羅三藐三菩提何以故如菩提相無有少法而可得者名阿耨多羅三藐三菩提無相菩提誰能坐者亦無起者以是因緣不見菩薩坐於道場亦不覺證阿耨多羅三藐三菩提文殊師利白佛言世尊菩提卽五逆五逆卽菩提何以故菩提五逆無二相故無覺無覺者無見無見者無知無知者無分別無分別者如是之相名爲菩提見五逆相亦復如是若

言見有菩提而取證者當知此輩卽是增上慢人爾時世尊告文殊師利汝言我是如來亦謂我爲如來乎文殊師利言不也世尊我不謂如來爲如來耶無有如相可名爲如亦無如來智能知於如何以故如來及智無二相故空爲如來但有名字我當云何謂是如來佛告文殊師利汝疑如來耶文殊師利言不也世尊我觀如來無決定性無生無滅故無所疑佛告文殊師利汝今不謂如來出現於世耶文殊師利言若有如來出現世者一切法界亦應出現佛告文殊師利汝謂恒沙諸佛入涅槃耶文殊師利言諸佛

1 2 3 4 5 6 7 8 9 20 1 2 3 4 5 6 7 8 9 20

一相不可思議佛語文殊師利如是如是佛是一相不思議相文殊師利白佛言世尊佛今住世耶佛語文殊師利如是如是文殊師利言若佛住世恒沙諸佛亦應住世何以故一切諸佛皆同一相不思議相不思議相者無生無滅若未來諸佛出興於世一切諸佛亦皆出世何以故不思議中無過去未來現在相但衆生取著謂有出世謂佛滅度佛語文殊師利此是如來阿羅漢阿鞞跋致菩薩所解何以故是三種人聞甚深法能不誹謗亦不讚歎文殊師利白佛言世尊如是不思議誰當誹謗誰當讚歎佛告文殊師利如來不思議凡夫亦不思議文殊師利白佛言世尊凡夫亦不思議耶佛言亦不思議何以故一切心相皆不思議文殊師利言若如是說如來不思議凡夫亦不思議今無數諸佛求於涅槃徒自疲勞何以故不思議法卽是涅槃等無異故文殊師利言如是凡夫不思議諸佛不思議若善男子善女人久習善根近善知識乃能了知佛告文殊師利汝欲使如來於諸衆生爲最勝耶文殊師利言我欲使如來於諸衆生爲最第一但衆生相亦不可得佛言汝欲使如來得不思議法耶文殊師利言欲使如來得不思

1 2 3 4 5 6 7 8 9 20 1 2 3 4 5 6 7 8 9 20

議法而於諸法無成就者佛告文殊師利汝欲使如來說法教化而是說者聽者皆不可得何以故住法界故法界衆生無差別相佛告文殊師利汝欲使如來爲無上福田耶文殊師利言如來是無盡福田是無盡相無盡相卽無上福田非福田非不福田是名福田無有明闇生滅等相是名福田若能如是解福田相深殖善種亦無增無減佛告文殊師利云何殖種不增不減文殊師利言福田之相不可思議若人於中如法修善亦不可思議如是殖種名無增無減亦是無上最勝福田爾時大地以佛神力六種震動現無常相一萬六千人皆得無生法忍七百比丘三千優婆塞四萬億優婆夷六千億那由他六欲諸天遠塵離垢於諸法中得法眼淨爾時阿難從座而起偏袒右肩右膝著地白佛言世尊何因緣故如是大地六種震動佛告阿難我說福田無差別相故現斯瑞往昔諸佛亦於此處作如是說福田之相利益衆生一切世界六種震動舍利弗白佛言世尊文殊師利是不可思議何以故所說法相不可思議佛告文殊師利如是如是如舍利弗言汝之所說實不思議文殊師利

1 2 3 4 5 6 7 8 9 20 1 2 3 4 5 6 7 8 9 20

白佛言世尊不思議不可說思議亦不可說如是思  
 議不思議性俱不可說一切聲相非思議亦非不可  
 思議佛言汝入不思議三昧耶文殊師利言不也世  
 尊我卽不思議不見有心能思議者云何而言入不  
 思議三昧我初發心欲入是定而今思惟實無心相  
 而入三昧如人學射久習則巧後雖無心以久習故  
 箭發皆中我亦如是初學不思議三昧繫心一緣若  
 久習成就更無心想恒與定俱舍利弗語文殊師利  
 言更有勝妙寂滅定不文殊師利言若有不思議定  
 者汝可問言更有寂滅定不如我意解不可思議定  
 尚不可得云何問有寂滅定乎舍利弗言不思議定  
 不可得耶文殊師利言思議定者是可得相不思議  
 定者不可得相一切衆生實成就不思議定何以故  
 一切心相卽非心故是名不思議定是故一切衆生  
 相及不思議三昧相等無分別佛讚文殊師利言善  
 哉善哉汝於諸佛久殖善根淨修梵行乃能演說甚  
 淡三昧汝今安住如是般若波羅蜜中文殊師利言  
 若我住般若波羅蜜中能作是說卽是有想便住我  
 波羅蜜若住於無亦是我想亦名處所離此二處住

無所住如諸佛住安處寂滅非思議境界如是不思議名般若波羅蜜住處般若波羅蜜處一切法無相一切法無作般若波羅蜜卽不思議不思議卽法界法界卽無相無相卽不思議不思議卽般若波羅蜜般若波羅蜜卽法界無二無別無二無別卽法界法界卽無相無相卽般若波羅蜜界般若波羅蜜界卽不思議界不思議界卽無生無滅界無生無滅界卽不思議界文殊師利言如來界及我界卽不二相如是修般若波羅蜜者則不求菩提何以故菩提相離卽是般若波羅蜜故世尊若知我相而不可著無知無著是佛所知不可思議無知無著卽佛所知何以故知體本性無所有相云何能轉法界若知本性無體無著者卽名無物若無有物是無處所無依無住無依無住卽無生無滅無生無滅卽是有爲無爲功德若如是知則無心想無心想者云何當知有爲無爲功德無知卽不思議不思議者是佛所知亦無取無不取不見三世去來等相不取生滅及諸起作亦不斷不常如是知者是名正智不思議智如虛空無此無彼不可比類無好惡無等等無相無貌佛告文殊師利若如是知名不退智文殊師利言無作智名

1 2 3 4 5 6 7 8 9 20 1 2 3 4 5 6 7 8 9 20

不退智猶如金鑛先加鎚打方知好惡若不治打無能知者不退智相亦復如是要行境界不念不著無起無作具足不動不生不滅爾乃顯現爾時佛告文殊師利言如諸如來自說已智誰當能信文殊師利言如是智者非涅槃法非生死法是寂滅行是無動行不斷貪欲瞋恚愚癡亦非不斷何以故無盡無滅不離生死亦非不離不修道非不修道作是解者名爲正信佛告文殊師利言善哉善哉如汝所說深解斯義爾時摩訶迦葉白佛言世尊於當來世若說如是甚深正法誰能信解如聞受行佛告迦葉今此會中比丘比丘尼優婆塞優婆夷得聞此經者如是人等於未來世若聞是法必能信解於甚深般若波羅蜜乃能讀誦信解受持亦能爲他人分別演說譬如長者失摩尼寶憂愁苦惱後若還得心甚歡喜如是迦葉比丘比丘尼優婆塞優婆夷等亦復如是有信樂心若不聞法則生苦惱若得聞時信解受持常樂讀誦甚大歡喜當知此人卽是見佛亦卽親近供養諸佛佛告迦葉譬如意利天上波利質多羅樹胞初出時是中諸天見是樹已皆大歡喜此樹不久必當開敷若比丘比丘尼優婆塞優婆夷得聞般若波羅

蜜能生信解亦復如是此人不久亦當開敷一切佛法於當來世有比丘比丘尼優婆塞優婆夷聞般若波羅蜜信受讀誦心不悔沒當知是人已從此會聽受是經亦能爲人聚落城邑廣說流布當知是人佛所護念如是甚深般若波羅蜜中有能信樂無疑惑者是善男子善女人於過去諸佛久已修學殖諸善根譬如有人以手穿珠忽遇無上真摩尼寶心大歡喜當知是人必已曾見如是迦葉若善男子善女人修學餘法忽然得聞甚深般若波羅蜜能生歡喜亦復如是當知此人已曾聞故若有衆生得聞甚深般若波羅蜜心能信受生大歡喜如是人等亦曾親近無數諸佛從聞般若波羅蜜已修學故譬如有人先所經見城邑聚落後若聞人讚歎彼城所有園苑種種池泉華菓林樹男女人民皆可愛樂是人聞已卽大歡喜更勸令說是城園苑衆好嚴飾襍華池泉多諸甘菓種種珍妙一切愛樂是人得聞重甚歡喜如是之人皆曾見故若善男子善女人有聞般若波羅蜜信心聽受能生歡喜樂聞不厭而更勸說當知此輩已從文殊師利曾聞如是深般若波羅蜜故迦葉白佛言世尊若將來世善男子善女人得聞是甚深

1 2 3 4 5 6 7 8 9 2 0 1 2 3 4 5 6 7 8 9 2 0

般若波羅蜜信樂聽受以是相故當知此人亦於過  
去佛所曾聞修學文殊師利白佛言世尊佛說諸法  
無作無相第一寂滅若善男子善女人有能如是諦  
了斯義如聞而說爲諸如來之所讚歎不違法相是  
卽佛說亦是熾然般若波羅蜜相亦名熾然具足佛  
法通達實相不可思議佛告文殊師利我本行菩薩  
道時修諸善根欲住阿鞞跋致地當學般若波羅蜜  
欲成阿耨多羅三藐三菩提當學般若波羅蜜若善  
男子善女人欲解一切法相欲知一切衆生心界皆  
悉同等當學般若波羅蜜文殊師利欲學一切佛法  
具足無礙當學般若波羅蜜欲學一切佛成阿耨多  
羅三藐三菩提時相好威儀無量法式當學般若波  
羅蜜欲知一切佛不成阿耨多羅三藐三菩提一切  
法式及諸威儀當學般若波羅蜜何以故是空法中  
不見諸佛菩提等故若善男子善女人欲知如是等  
相無疑惑者當學般若波羅蜜何以故般若波羅蜜  
不見諸法若生若滅若垢若淨是故善男子善女人  
應作如是學般若波羅蜜欲知一切法無過去未來  
現枉等相當學般若波羅蜜何以故法界性相無三  
世故欲知一切法同入法界心無罣礙當學般若波

1 2 3 4 5 6 7 8 9 2 1 2 3 4 5 6 7 8 9 2

羅蜜欲得三轉十二行法輪亦自證知而不取著當學般若波羅蜜欲得慈心徧覆一切衆生而無限齊亦不作念有衆生相當學般若波羅蜜欲得於一切衆生不起諍論亦復不取無諍論相當學般若波羅蜜欲知是處非處十力無畏住佛智慧得無礙辯當學般若波羅蜜爾時文殊師利白佛言世尊我觀正法無爲無相無得無利無生無滅無來無去無知者無見者無作者不見般若波羅蜜亦不見般若波羅蜜境界非證非不證不作戲論無有分別一切法無盡離盡無凡夫法無聲聞法無辟支佛法佛法非得非不得不捨生死不證涅槃非思議非不思議非作非不作法相如是不知云何當學般若波羅蜜爾時佛告文殊師利若能如是知諸法相是名學般若波羅蜜菩薩摩訶薩若欲學菩提自在三昧得是三昧已照明一切甚深佛法及知一切諸佛名字亦悉了達諸佛世界無有障礙當如文殊師利所說般若波羅蜜中學文殊師利白佛言世尊何故名般若波羅蜜言般若波羅蜜無邊無際無名無相非思量無歸依無洲無渚無犯無福無晦無明如法界無有分齊亦無限數是名般若波羅蜜亦名菩薩摩訶薩行

處非行處非不行處悉入一乘名非行處何以故無  
念無作故文殊師利白佛言世尊當云何行能速得  
阿耨多羅三藐三菩提佛言文殊師利如般若波羅  
蜜中所說行能速得阿耨多羅三藐三菩提復有一  
行三昧若善男子善女人修是三昧者亦速得阿耨  
多羅三藐三菩提文殊師利言世尊云何名一行三  
昧佛言法界一相繫緣法界是名一行三昧若善男  
子善女人欲入一行三昧當先聞般若波羅蜜如說  
修學然後能入一行三昧如法界緣不退不壞不思  
議無礙無相善男子善女人欲入一行三昧應處空  
閑捨諸亂意不取相貌繫心一佛專稱名字隨佛方  
所端身正向能於一佛念念相續卽是念中能見過  
去未來現在諸佛何以故念一佛功德無量無邊亦  
與無量諸佛功德無二不思議佛法等無分別皆乘  
一如成究竟正覺悉具無量功德無量辯才如是入一  
行三昧者盡知恒沙諸佛法界無差別相阿難所聞  
佛法得念總持辯才智慧於聲聞中雖爲究竟勝猶住  
量數則有限礙若得一行三昧諸經法門一一分別  
皆悉了知決定無礙晝夜常說智慧辯才終不斷絕  
若比阿難多聞辯才百千等分不及其一菩薩摩訶

卷二十一  
三昧不可思議功德無量名稱佛言菩薩摩訶薩當念一行三昧常勤精進而不懈怠如是次第漸漸修學則能得入一行三昧不可思議功德作證除謗正法不信惡業重罪障者所不能入復次文殊師利譬如有人得摩尼珠示其珠師珠師答曰此是無價真摩尼寶卽求師言爲我治磨勿失光色珠師治已隨其磨時珠色光明映徹表裏文殊師利若有善男子善女人修學一行三昧不可思議功德無量名稱隨修學時知諸法相明達無礙功德增長亦復如是文殊師利譬如日輪光明徧滿無有滅相若得一行三昧悉能具足一切功德無有缺少亦復如是照明佛法如日輪光文殊師利我所說法皆是一味離味解脫味寂滅味若善男子善女人得是一行三昧者其所演說亦是一味離味解脫味寂滅味隨順正法無錯謬相文殊師利若菩薩摩訶薩得是一行三昧皆悉滿足助道之法速得阿耨多羅三藐三菩提復次文殊師利菩薩摩訶薩不見法界有分別相及以一相速得阿耨多羅三藐三菩提相不可思議是菩提中亦無得佛如是知者速得阿耨多羅三藐三菩提若信一切法悉是

1 2 3 4 5 6 7 8 9 20 1 2 3 4 5 6 7 8 9 20

經

大寶積經卷二十一

三

佛法不生驚怖亦不疑惑如是忍者速得阿耨多羅三藐三菩提文殊師利白佛言世尊以如是因速得阿耨多羅三藐三菩提耶佛言得阿耨多羅三藐三菩提不以因得不以非因得何以故不思議界不以因得不以非因得若善男子善女人聞如是說不生懈怠當知是人以於先佛種諸善根是故比丘比丘尼聞說是甚深般若波羅蜜不生驚怖即是從佛出家若優婆塞優婆夷得聞如是甚深般若波羅蜜心不驚怖卽是成就真歸依處文殊師利若善男子善女人不習甚深般若波羅蜜即是不修佛乘譬如大地一切藥木皆依地生長文殊師利菩薩摩訶薩亦復如是一切善根皆依般若波羅蜜而得增長於阿耨多羅三藐三菩提不相違背爾時文殊師利白佛言世尊此間浮提城邑聚落當於何處演說如是甚深般若波羅蜜佛告文殊師利今此會中若有人聞般若波羅蜜皆發誓言於未來世常得與般若波羅蜜相應從是信解未來世中能聽是經當知是人不從餘小善根中來所能堪受聞已歡喜文殊師利若復有人從汝聽是般若波羅蜜應作是言此般若波羅蜜中無聲聞辟支佛菩薩法佛法亦無凡夫生滅

1 2 3 4 5 6 7 8 9 2 1 2 3 4 5 6 7 8 9 2

等法文殊師利白佛言世尊若比丘比丘尼優婆塞  
優婆夷來問我言云何如來說般若波羅蜜我當答  
言一切諸法無諍論相云何如來當說般若波羅蜜  
何以故不見有法可與諍論亦無衆生心識能知復  
次世尊我當更說究竟實際何以故一切法相同入  
實際阿羅漢無別勝法何以故阿羅漢法凡夫法不  
一不異故復次世尊如是說法無有衆生已得涅槃  
今得當得何以故無有決定衆生相故文殊師利言  
若人欲聞般若波羅蜜我當作如是說其有聽者不  
念不著無聞無得當如幻人無所分別如是說者是  
真說法是故聽者莫作二相不捨諸見而修佛法不  
取佛法不捨凡夫法何以故佛及凡夫二法相空無  
取捨故若人問我當作是說如是安慰如是建立善  
男子善女人應如是問作如是住心不退沒當知法  
相隨順般若波羅蜜說爾時世尊讚歎文殊師利善  
哉善哉如汝所說若善男子善女人欲見諸佛應學  
如是般若波羅蜜欲親近諸佛如法供養應學如是  
般若波羅蜜若欲言如來是我世尊亦應學如是般若  
波羅蜜若言如來非我世尊亦應學如是般若波羅  
蜜若欲成阿耨多羅三藐三菩提亦應學如是般若

波羅蜜若欲不成阿耨多羅三藐三菩提亦應學如是般若波羅蜜若欲成就一切三昧亦應學如是般若波羅蜜若欲不成就一切三昧亦應學如是般若波羅蜜何以故無作三昧無異相故一切法無生無出故若欲知一切法假名應學如是般若波羅蜜若欲知一切衆生修菩提道不求菩提相心不退沒應學如是般若波羅蜜何以故一切法皆菩提相故若欲知一切衆生行非行相非行卽菩提菩提卽法界法界卽實際心不退沒應學如是般若波羅蜜若欲知一切如來神通變化無相無礙亦無方所應學如是般若波羅蜜佛告文殊師利若比丘比丘尼優婆塞優婆夷欲得不墮惡趣當學般若波羅蜜一四句偈受持讀誦爲他解說隨順實相如是善男子善女人當知決定得阿耨多羅三藐三菩提則住佛國若聞如是般若波羅蜜不驚不畏心生信解當知此輩佛所印可是佛所行大乘法印若善男子善女人學此法印超過惡趣不入聲聞辟支佛道以超過故爾時帝釋三十三天以天妙華優鉢羅華拘物頭華分施利華天曼陀羅華等天栴檀香及餘末香種種金寶作天妓樂爲供養般若波羅蜜并諸如來及文殊

1 2 3 4 5 6 7 8 9 20 1 2 3 4 5 6 7 8 9 20

師利以散其上作是供養已願我常聞般若波羅蜜  
法印釋提桓因復作是願願闍浮提善男子善女人  
常復得聞是經決定佛法皆令信解受持讀誦爲人  
演說一切諸天爲作擁護爾時佛告釋提桓因言憍  
尸迦如是如是善男子善女人當得決定諸佛菩提  
文殊師利白佛言世尊如是受持善男子善女人得  
大利益功德無量爾時以佛神力一切大地六反震  
動佛時微笑放大光明徧照三千大千世界文殊師  
利白佛言世尊卽是如來印般若波羅蜜相佛言文  
殊師利如是如是說般若波羅蜜已皆現此端爲印  
般若波羅蜜故使人受持令無讚毀何以故無相法  
印不可讚毀我今以是法印令諸天魔不能得便佛  
說是經已爾時諸大菩薩及四部衆唱說般若波羅  
蜜歡喜奉行

大寶積經卷第一百一十六

校讌

第十六紙

十三行復  
宋藏作使

嘉興居士黃承軋 吳江沈珣 張世學共刻  
大寶積經第一百一十六卷 叙州沙彌性淨  
對儀真王國英書 漢水端繼慧刻  
萬曆丙申孟夏徑山興聖萬壽禪寺識

1 2 3 4 5 6 7 8 9 20 1 2 3 4 5 6 7 8 9 20

大寶積經卷一百一十七

大寶積經卷第一百一十七

西晉三藏竺法護譯

寶髻菩薩會第四十七之一

聞如是一時佛在羅閱祇靈鷲山與大比丘衆四萬二千菩薩八萬四千俱各從十方諸佛世界而來集會皆已通達一生補處得無所著無所罣礙從勇猛伏三昧出生獲上蓮華三昧金剛道場三昧善堅住三昧淳淑修三昧幢英王三昧金剛三昧淨德事三昧分別權行皆得親近諸佛之法在佛樹下多所降伏度諸魔界而得建立諸佛之土逮成無盡所說總

持得知衆生一切根源以妙辯才可悅諸心爲師子  
步猛無所畏若入衆會應順時宜宣文字句成就諸  
行則以威相而自嚴飾捨於世財棄諸外道功勳顯  
布聲徹十方諸佛咨嗟德不可量悉從布施持戒忍  
辱精進一心智慧而成從無數劫百千那術修治道  
業覩見一切衆生之疾應病與藥皆令瘳愈入於深  
妙明緣起法以捨斷滅有常之事其行清淨志無瑕  
穢心性鮮明開化羣生各各攝護令得其所曉了教  
誨意得自在勢力堅強不毀慈心信戒聞施慚愧智  
慧具足七財欲化衆生以善方便現處閑居所用修  
力善<sub>誓</sub>諸願聖德無量心如虛空其名曰光觀菩薩  
常明曜菩薩光世音菩薩大勢至菩薩師子意菩薩  
師子步菩薩師子雷音菩薩尊意菩薩金剛意菩薩  
金剛步菩薩金剛幢菩薩金剛志菩薩步不動迹菩  
薩獨步世菩薩善明菩薩蓮華目菩薩蓮華淨菩薩  
寶淨菩薩鈞璣菩薩寶幢菩薩寶事菩薩寶印手菩  
薩德曜王菩薩淨王菩薩執離意王菩薩電光嚴菩  
薩虛空藏菩薩濡音菩薩雨音菩薩不離音菩薩意  
淨菩薩雷音菩薩解縛菩薩等十六正士溥首之等  
六十聖士衆香首等三十有二清淨行士慈氏之等

皆是賢劫諸菩薩也降魔天子淨復淨天子善妙天子賢護天子獲勝天子意勝天子寂化音天子善思天子等類二萬皆志大乘四天王天帝釋忍迹梵天魔子導師濡美天子并餘諸天龍神犍沓惹阿須倫迦畱羅真陀羅摩睺勒等及人非人不可稱計彼時世尊與無央數百千之衆眷屬圍遶而爲說經坐大清淨師子之牀勇猛無畏爲師子吼如日普照若月盛明如火消冥其座燭赫威光巍巍超逾釋梵佛身特顯猶須彌山現于大海所說經典上中意語靡不妙善義美具足究竟清淨常修梵行廣演恩慈宣菩薩行講菩薩法所當遵修名曰淨行爾時東方去此佛國九百二十萬佛土世界名善變其佛號淨住如來至真等正覺現枉詵法時佛左右有一菩薩名羅陀鄰那朱與八千菩薩俱於其佛土忽然不現至此忍界住于梵天以一寶蓋覆此三千大千忍土普雨天華其色若干在於梵天而說頌曰

諸天人民獲善利 心願見佛釋師子  
爲消惱熱諸俗事 心願堅固志佛道  
無數菩薩如江沙 以精進力行超越  
降伏魔衆億百千 得成佛道離垢憂

1 2 3 4 5 6 7 8 9 20 1 2 3 4 5 6 7 8 9 20

吾從東方而發來 其世界名曰善變

在彼淨住佛左右

欲得稽首釋師子

假使有人欲聽法

若覩十方諸菩薩

設欲歸禮彼世尊

速疾來到靈鷲山

諸導師衆難得遇

經典之要甚難值

人身難得及閑暇

篤信禁戒誠亦難

假使今時造德本

則見衆生處邪冥

便能開心令滅度

速行俱詣於最勝

若欲解棄三惡趣

復致安隱天人處

逮得無爲消生處

則當往詣無等倫

爲良醫王施甘露

尊猶導師示正路

彼爲法王執掌寶

降伏一切衆生趣

於時寶髻說斯頌已以此頌音居于三千大千世界  
賢者舍利弗聞說斯頌前白佛言唯然世尊此妙頌  
義爲從何出佛言東方去此九百二十萬佛土界名  
善變佛號淨住如來至真等正覺現枉說法其佛左  
右有菩薩名寶髻與八千菩薩俱到此忍界欲來見  
佛稽首問訊咨受經典并欲見十方諸會菩薩故住  
梵天說此頌耳斯頌之音普聞三千大千世界令無  
央數衆生之類殖衆德本復來詣佛於是寶髻與八

千菩薩及無央數諸天子衆周匝圍遶鼓百千妓雨諸妙華演大光明動三千界往詣佛所稽首足下各遶七匝正住佛前八千菩薩亦復如是諸天子衆悉皆侍從寶髻菩薩前白佛言唯然世尊淨住如來敬問無量所志康寧住於輕便勢力安乎蒙天中天鄙身詣此願垂恩慈爲諸菩薩大士之衆班宣道教所當應行菩薩住此得空竟成具足清淨而普被服一切德鎧積累衆善平等之行淨修其身皆見一切羣生所念觀其相行而隨開化則以智慧爲姓怒癡而講說法令致妙行若有衆人住於邪法便爲演示平等之教爲諸如來所見覆蓋衆生之類皆得蒙賴一切諸魔不能得便逮覩諸佛無所罣礙敢可遵修皆成如來清淨之行如此之義何因致乎佛告寶髻善哉善哉族姓子乃問如來如此之義諦聽諦聽善思念之吾當解說諸菩薩等所行清淨寶髻菩薩與諸大衆受教而聽佛告族姓子菩薩有四事法所行清淨何謂爲四一曰行度無極二曰常當遵修諸佛道品三曰具足神通四曰開化衆生是爲四行度無極所可勸助靡不周普入衆德本道品法者遊于大慈曉了應時慧之所入具神通者分別人民心念所行

善惡之業化衆生者大哀堅固明識志性之所歸趣  
佛告族姓子何謂菩薩施度無極所行清淨謂所可  
習慳貪之心皆棄捐之習布施心已能放捨壞於貪  
懿瑕穢之事典勸布施一切所有惠而不惱彼行施  
已而於四事不造若干何謂爲四一曰衆生之類無  
有若干二曰一切經法不各各異三曰所可勸助亦  
無差別四曰志性所施亦無若干彼何謂於諸衆生  
無有若干不興此念吾當施某不施於甲施某福多  
施甲福少厚施於某薄施於甲好供施某趣施於甲  
常當施某時一施甲親自斟酌授與於某不自勞身  
授與於甲盡用施某麤施於甲此人奉戒斯人毀禁  
此人衆祐斯人寡祐此人能畢衆祐之德斯人不能  
此人修正斯人行邪此人奉行平等之業斯人墮落  
反邪之業佛言如是族姓子菩薩布施皆當棄捐如  
是輩心修平等志不懷若干常念衆生等心應之而  
以開化平意識戒慈悲喜護無所遺忘所謂等者猶  
如虛空覩無增減是謂衆生無有若干佛告寶髻何  
謂諸法不各各異假使說法而宣平等亦不念言奉  
修法者吾當與經不能順法則不授也若使普備一  
切法者吾當與之不能具法吾不與也欲興道教行

1

1 2 3 4 5 6 7 8 9 20 1 2 3 4 5 6 7 8 9 20

法施者施於凡夫不謂損耗於聖賢不謂長益又計  
 法本悉清淨等無差特以是之故所施當等是於諸  
 法不各各異彼所施與供養之具有所勸助亦無若  
 干若布施時不作此念吾當獲福望於帝釋梵天人  
 位不願國主豪尊長者亦不慕求色聲香味細滑之  
 法不望饒財珍寶重貨眷屬侍從亦不貪羨五趣生  
 人所周旋處不求聲聞緣覺之乘敢可所施則用志  
 求無上正真之道是謂勸助而不差別諸可放捨志  
 性枉道無差特心合會別離初無增減不望相報唯  
 欲開度諸不及者越于彼岸其心質朴而無諛詭懷  
 抱篤信內性淳淑未曾悔變施所珍愛其心歡喜若  
 有來求意能惠與益用悅豫是族姓子志性所施亦  
 不別異斯謂菩薩施度無極無有若干佛言復有八  
 事棄捐邪徑行布施業何謂爲八不見吾我不見有  
 人不見有壽不見斷滅不覩有常不住三處不見無  
 處若布施者則當嚴淨施是八事菩薩布施棄四住  
 業何謂爲四一曰捨於非法則以經典開化凡夫二  
 曰捨聲聞意志于大道三曰捨緣覺法修於平等四  
 曰遠於止處諸所倚著是爲四當復離於四事思想  
 何謂爲四一曰常想二曰妄想三曰淨想四曰我想

復有四事爲淨施何謂爲四一曰身淨二曰言淨三  
曰心淨四曰性淨是爲四復有三事施越諸聖礙何  
謂爲三一曰捨於希望二曰棄捐懷恨三曰離於小  
乘是爲三復有三事捨於應施離諸恐懼何謂爲三  
一曰貢高二曰輕慢三曰魔業是爲三復有四施以  
法見印何謂爲四一曰內空二曰外空三曰人空四  
曰道空是爲四復有四施專惟精進何謂爲四一曰  
飽滿衆生二曰具足諸佛之法三曰備悉成就相好  
嚴容四曰淨治佛土是爲四事復有四施心常不捨  
何謂爲四一曰意常念道二曰常欲見佛三曰修于  
天慈四曰滅除衆生塵勞之穢是爲四復有三施嚴  
淨道場何謂爲三一曰淨我二曰淨人三曰至道場  
淨是爲三復有四施所與清淨何謂爲四一曰以慧  
布施二曰則能可悅衆生之心三曰曉了勸助四曰  
明解觀察經典是爲四佛告族姓子是爲菩薩所可  
修法施度無極致清淨行佛告族姓子菩薩行戒度  
無極有一事致于清淨何謂爲一解菩薩心而無等  
倫其心超過一切世間最尊無比越諸聲聞緣覺之  
意心能降伏一切諸魔入於衆生所至名德爲無量  
寶諸連習法普有所護心未曾忘是爲一復有二事

戒度無極爲清淨行何謂爲二一曰常懷慈愍無害衆生二曰心志於道調柔性行是爲二復有三事戒無極淨何謂爲三一曰身清淨身三事戒無闕漏究竟備悉二曰言淨一切所說無有諛謗三曰意淨觸除諸穢貪欲危害是爲三復有四事戒無極淨何謂爲四一曰具戒清淨二曰奉禁不毀三曰以此戒法教化衆生四曰見持戒人敬之如佛是爲四復有五事戒無極淨何謂爲五一曰不歎已身二曰不毀他人三曰捨聲聞志四曰離緣覺意五曰無所貪著是爲五復有六事戒無極淨何謂爲六一曰常念於佛不毀禁戒二曰常念經法順修其行三曰常念聖衆不違佛教四曰常念於施普捨塵欲五曰常念禁戒不復貪慕一切五趣六曰常念諸天宣衆德本是爲六復有七事戒無極淨何謂爲七一曰篤信樂諸佛法二曰常自念慚爲衆重任三曰念愧思道品法而不自大四曰仁和不惱彼我五曰無害畏於後世殃罪之患六曰不煩擾人止心憂惑七曰見諸衆生枉苦惱者而愍哀之是爲七復有八事戒無極淨何謂爲八一曰無有諛謗二曰無希冀心三曰不貪利養四曰捨於慳懿無所依倚五曰已身所有而知止足

六曰行賢聖禪具足慚愧七曰處於閑居不惜身命  
 八曰樂於獨處遠離衆會好於道法畏懼三界不取  
 無爲是爲八復有九事戒無極淨何謂爲九一曰無  
 所廻律教化衆生而令得度二曰稍漸習定修治其  
 原三曰令心究竟不懷惱熱四曰求於靜寢止心所  
 念五曰習行威儀禮節之正六曰超度禁戒不見已  
 身七曰未曾欺惑愍哀羣生具足大乘八曰究竟成  
 就戒法之業使不缺漏九曰心常懷念勤助德本是  
 爲九復有十事戒無極淨何謂爲十一曰淨身三事  
 二曰淨口四事三曰淨意三事四曰念棄諛諂志性  
 質直而不細碎五曰心性普入靡不蒙度六曰一切  
 所覺而知節限愍哀爲本悉解諸結七曰心無剛鞭  
 教化衆生悉調和業八曰常修己身見諸等類恂恂  
 恭敬九曰於諸衆祐勸示法事十曰奉以衣食使離  
 世業是爲十復有二事戒無極淨何謂爲二一曰有  
 毀辱者寧失身命終不毀戒不興想念不慕財業二  
 曰無所周旋亦不貪求一切諸法戒空無像復有二  
 事何謂爲二一曰內淨除諸哀入二曰外淨捨諸境  
 界是爲二復有二事一曰淨其道心解自然相故二  
 曰戒品清淨無諸相故佛告族姓子是爲菩薩戒度

無極清淨之行佛告族姓子何謂菩薩忍度無極所  
行清淨若罵詈者嘿而不報是口清淨若撻挫者受  
而不校是身清淨若瞋恚者哀而不慍是心清淨若  
毀辱者而不懷恨是性清淨又若聞人發麤犷辭以  
護衆生不興忿恨設有刀杖加身瓦石打擲護於後  
世而不懷害節節解身不以憂戚將順道故人見求  
乞不起瞋恚濟四恩故發于慈心不忿恚者親佛道  
故造悲哀心具足願故功勳流布莫不奉命多所愍  
道而行忍辱成佛身故若念覺意而行忍辱具十力  
故若念於慧而行忍辱欲備三達無罣礙故設念愍  
傷而行忍辱成大慈故念度虛妄而行忍辱究大哀  
故念如師子無恐懼者而行忍辱無所畏故念無見  
頂而行忍辱處於衆生不自大故念具相好而行忍  
辱普欲救濟一切世故具諸佛法而行忍辱成通慧  
故佛告族姓子有二事法淨忍辱力一曰精修道業  
二曰合集義力彼所可言若能忍辱身心無猗是集  
義力於一切法而無所著行忍辱者是修道義有淨  
忍者能忍衆生了知無人堪忍諸法悉爲慚怕是爲  
淨忍所以者何於彼亦無可忍及與非忍於一切法

無所逮得乃名曰忍計於忍者亦不可獲於一切法  
 無所著者乃名曰忍其無所猗忍無處所不受諸法  
 是曰爲忍不以所取爲忍辱也其有不計我人壽命  
 之法是曰忍辱不著身命察如牆壁瓦石之數乃曰  
 爲忍也佛告族姓子菩薩有二忍一曰曉了身分散  
 事二曰明識諸法皆悉本無乃成忍辱是爲菩薩忍  
 度無極行清淨也佛告族姓子何謂菩薩進度無極  
 爲清淨行不捨道心所可興業未曾怯弱常遵勤修  
 而不睡寐不離德本積集功德不以退還於度無極  
 若造行者方便求法堪任爲人講說經典護于正法  
 多所度脫不厭大慧開化衆生嚴淨佛土度千小乘  
 具足本願究竟聖慧未曾違失施戒博聞親近權慧  
 已至福家當以何意勉濟羣生令無嬌慢是謂精進  
 彼何謂淨若曉了身猶如影響所言柔軟識不以惓  
 其慧究竟而心淨寂明於所行永不可盡分別諸滅  
 以慧消化而成一心慧無所起彼以三事離於精進  
 一曰猗著因緣二曰行顛倒事三曰望想之滅若於  
 三界無所猗著是爲精進復有三事何謂爲三眼無  
 所著不猗於色不貪於識耳聲識鼻香識舌味識身  
 軟識意法識亦復如是悉無所著彼無所受亦無所

習故曰精進無施不慳無戒不犯無忍不諍無進不怠無禪不亂無智不愚不造德本亦無不善不求佛道不得聲聞緣覺之地其無所行亦無不行則便逮成二精進淨何謂二一曰內無所住興諸因緣二曰捨於外見歟想諸識是爲二精進復有二淨何謂二淨一曰於內寂定二曰不遊於外亦無放逸是爲二淨其根精進於諸所行而無所行亦不輕戲是爲菩薩進度無極清淨之行佛告族姓子何謂菩薩寂度無極清淨之行殷勤合集一心之事觀所應察而以正受彼若一心禪不著色葉捐痛痒思想生歟識彼若禪者不著眼耳鼻舌身意識彼若禪者不貪色聲香味細軟法彼若禪者不著地水火風空不著帝釋日月梵天尊豪之位不著欲色無色之界不猗今世及與後世不住於身亦無所處不猗言辭心不疲懈悉無所住無卒無暴不住邊際得無所念彼若禪者不計有身不興諸見不貪我人壽命不見微妙可不可事不見斷滅不覩無常不見生滅有處無處彼若禪者亦不永盡衆漏之原不著諸佛不入寂滅果證之跡亦不長處於無所行若行禪者一心解空不以空爲證求於無相無願不以無相無願爲證被大德

鎧行無極慈住於大哀一切具足奉行空事何謂具足行空不想布施持戒忍辱精進一心智慧不想善權諸所開化不想慈悲喜護亦不希望入於聖慧不想道心有所觀察不想志性意有所應不想四恩惠施仁愛利人等利一切救濟不想其意安詳而有所存不想意止意斷神足根力覺意及八由行不想寂默而觀察法不想調定柔軟之行不想慚愧有所羞恥常住佛道未曾斷絕隨法眼教執於炬曜從聖衆戒常修鮮潔立觀衆生成就佛身以德莊嚴而從世雄聞具足音奉佛三昧獲於正覺神足之辯受十種力住無所畏逮於微妙十八不共諸佛之法不與聲聞緣覺合同拔去止處諸欲塵穢不離神通開導衆生四分別辯精進明了現世度世之法教化衆生與衆超異質直出家度於駛水而過泛流斷諸所有所可住處自然靜寘法教憺怕觀於身法無所貪愛至於佛法了自然想越諸住行默口言辭有所聽說者常宣佛語以此至誠消滅常然開化衆生是曰具足行空佛告族姓子譬若三千大千世界所有人民悉爲畫師各有所習巧能不同所善不等或工畫屋宅不工畫體或便摸者不能博採或工於手足巧於耳目

或頭首不端身形姝好或有不能所習各異或能可人或不可人所知殊別容貌不同王盡召盡師應時皆至王令盡作三界諸形而告之曰各自盡像以持示吾皆合衆師聚於一處各各盡形一師最上悉得其體族姓子所憶云何爲能普備諸所能不答曰唯能佛言僧行爲喻當解斯義如一盡師悉圖諸形各各得體不失其旨學此法亦復如是殷勤精進淨修梵行逮成佛法以一正行悉具衆事由此之故具足空行靡所不達便得成就一切佛道皆除塵欲顛倒衆想貢高自大不樂放逸雖處衆穢不與合同是謂菩薩具足空行說是語時八千菩薩普備空行逮得法忍是爲菩薩寂度無極清淨之行佛告族姓子何謂菩薩智度無極清淨之行有十二事爲清淨行何等十二見於過去慧無罣礙見於當來慧無罣礙見於現在慧無罣礙有爲無爲皆能曉了一切世間所有術藝當可造業明解度世分別說於真諦之義知其所習宣其本末一切衆生諸根所趣柔劣明達中容之人去來之慧無所罣礙其聖巍巍超踰世智悉見衆生志性所行形色變異難解難逮深奧之義消化諸見離於衆邪諸所住處罣礙之事入于聖慧普

1 2 3 4 5 6 7 8 9 2 1 2 3 4 5 6 7 8 9 2

周衆生入於法慧明解聖藏義之所歸了真所入其  
 明所照無所錯亂亦無所礙觀察時節所樂無量所  
 見諸事咸皆了了無所違失覺識誠諦實不滅盡彼  
 所觀察一切無拒以用一行而無所行皆見衆生之  
 所奉行威儀禮節世間人民心志所趣菩薩悉見不  
 離於世而習超度諸世境界尚未成就佛之土地皆  
 越一切所作因緣開化衆生過於諸行而普究竟衆  
 德之行廣度一切因緣心行皆見衆生心之所念護  
 世間法莫不周徧不捨世俗所行信入衆生之念計  
 其智慧無有卒暴不犯巇險諸根寂定未曾疲懈不  
 以爲亂永觀聖慧常與德合詣於佛樹而坐道場降  
 伏衆魔捨於外道行有所受聖曜普徹亦無所取大  
 聖所建得諸佛住可悅衆生悉見定慧普入衆義一  
 切諸法皆爲同味執權方便智度無極越於彼岸不可  
 限量此乃名曰智度無極皆能曉了一切因緣所  
 興衆想瑞應怪變心行所念令得過度是則名曰度  
 於彼岸又計此慧有一清淨一日無礙慧想清淨之  
 行二曰嚴淨莫能有人當其慧相復有二淨一日淨  
 除顛倒二曰淨去諸見又彼菩薩所行智慧靡不普  
 入聖明備悉曉了衆生達識經典其菩薩者以此智

慧解無所有皆入塵勞親化愛欲在諸所生處于諸  
界建立智慧遊諸境土皆了境界誠諦智慧不度彼  
此不處中間其慧普入見於十方無所罣礙用無蔭  
蔽致無邊際見誠諦智慧明曉一切諸法本末部黨時  
節已能識別真諦智慧義之所歸無應不應無合無  
別無懈無退不雙不隻計於諸法亦無應合又族姓  
子菩薩若行智慧事者以慧爲舍則成福堂篤信名  
德道法之至住於總持分別智辯一切備悉具足慧  
事是族姓子菩薩奉修智度無極清淨之行說此語  
已彼時會中二萬二千人皆發無上正真道意八千  
菩薩逮得無所從生法忍五千比丘漏盡意解一萬  
天子遠塵離垢諸法眼淨時諸天子舉聲歎曰若有  
衆生逮得聞是諸度無極清淨之行道法門者則爲  
諸佛所見授記何況有聞能奉受持諷讀誦行如上  
教乎佛告寶髻何謂菩薩佛道品法清淨之行自觀  
其身知本無身是爲意止則以二事而立其志何謂  
爲二一曰察於荒穢二曰觀清淨行何謂荒穢此身  
無常積滿不淨是身薄力劣而無勢是身化立如傾  
危屋何謂觀淨吾當以此不淨之身精勤解空得如  
來身法身法身巍巍德身無限爲諸衆生示現色像

悅可一切是族姓子觀身二事以立其意又族姓子  
菩薩觀身了無身已得淨二法何謂爲二一見無常  
二察有常是身無常不得久立老病俱合會當歸死  
已達此義不用身故而造邪業以不食身則修堅要  
行三堅法一曰身要二曰命要三曰財要此身無常  
一切衆生以爲貴重何所益乎當行愍傷何謂身要  
身不犯惡謙卑恭順稽首博智何謂命要歸命三寶  
奉修十德六度四等何謂財要捐已布施給諸貧乏  
身非我有口之所言皆多有失從致諛詭麤辭不正  
用是之故悉棄此行不復爲非已見無身不保壽命  
假使被害不犯惡事曉身非常爲分離法不犯非宜  
一切所有施無所貪已解無身所獲善德功勳顯著  
不可稱限何謂有常設使觀身了無身者以時攝取  
心所了慧觀一切智不違佛教不失法言不壞聖衆  
勸化群黎執御人民是謂有常所以言常不可盡故  
所言無盡謂無爲也與道合同無終無始玄妙永存  
此謂無爲其無爲者乃爲常耳菩薩枉彼以諸德本  
觀諸通慧至於無爲是謂有常所以言常以空無相  
無願之故修菩薩道常奉空行觀於無相不著無願  
普具一切精進之行是謂有常所言常者謂如虛空

1

12345678920123456789212345678922

菩薩等心如空無異無有思想如是行者乃爲菩薩  
是謂有常無上正真佛告族姓子菩薩觀身了本無  
身則曰意止一切人身皆悉本空以解身空意無所  
著觀衆生身立在佛身當作是觀若如來身無有諸  
漏吾身亦然察於諸法奉行道義不失佛教得無漏  
身而觀衆生分別諸相以無漏身無漏清淨本際亦  
淨如其德本興立諸行勸助德本亦無諸漏以能逮  
成無漏法者能住諸漏何謂諸漏一曰欲漏二曰有  
漏三曰見漏彼斷欲漏設生欲界開化衆生若斷有  
漏遊在生死於諸所受教授人民又見漏者則是無  
明癡冥之漏菩薩於彼精進不懈究竟精進拔其根  
原彼若觀身奉修意止超度往古諸不應行離於衆  
穢而遵憺怕乃爲觀身便無所度亦無所生則無所  
爲乃爲觀身假使觀已不見有身亦無所察捨於貪  
身不計吾我已無吾我則無所貪已無所貪則無所  
諍已無所諍則無殃疊已無殃疊逮得法忍已得法  
忍則無所歸已無所歸則無卒暴已無卒暴不住自  
大則住於法已住法者不行非法順法行者常與法  
俱修道法者則逮法慈已受法慈則聞法音已行法  
音不聞界音已寂界音便逮三昧而已正受則觀審

諦已觀審諦則無所想已無所想則無所作已無所作則無非作已於諸作無作非作致正真法便等諸法已等諸法便逮通慧一切之智是族姓子菩薩觀身了本無身意止行淨佛告族姓子何謂菩薩痛痒意止謂觀痛痒本無痛痒乃爲意止覩諸苦痛皆見衆生諸枉患難爲之雨淚逮成大哀作是惟念衆人在惱若得安者乃無痛痒則爲斷除一切危害乃致觀痛知本無痛意止所行已滅痛痒爲諸羣生被大德鎧先自消身非法之行亦不想念滅已痛痒若有遭痛普爲一切執御大哀爲示永安長消衆患爲貪欲人興發大哀先除已貪不爲欲縛設身遇苦不以爲難爲瞋恚人興發大哀斷已恚結彼則觀見不苦不樂之痛痒也爲愚行人興發大哀滅已癡縛彼觀痛樂則無所著消壞諸結而自由安若得苦痛不以憂感捨諸有爲則能遵修令無苦樂以壞愚癡若遇樂痛無所積聚若遭衆患了身非常觀苦痛痒察痛無我彼觀樂痛修行安隱其觀苦痛則爲瘡病以是之故名曰不樂不苦設使觀見所有安樂皆歸無常其有衆苦計於苦者不苦不樂則亦無我菩薩若見諸安樂事明識一切本則無安是觀痛痒知痛無本

適起尋滅曉了諸法不得久存察於萬物焰生忽沒  
視一切法所生如影從何所來而尋散滅觀諸法本  
如瞻手掌從何所來去至何所卽便了之無所從來  
去無所至以觀諸法不以爲患普見一切篤信休息  
因此成道以成於道亦無所得不復退還所以者何  
以能逮見一切衆人根本所興則求滅盡不爲已身  
而求滅也是族姓子菩薩大士善權方便執御大哀  
觀於痛痒了本無痛意止之行消諸所見明識於此  
不以過於三界諸痛滅取證際也彼於衆痛觀佛歎  
本曉了諸痛寂默恬憺本無所有亦無遭患永無遭  
患諸法皆空離於吾我徒見合會依於因緣悉無有  
主亦無吾我捨諸所見無所長育彼觀如是則真諦  
見因緣所合皆不可得已不可得便作是察如因緣  
空從是興立諸法亦空已達空義乃爲觀痛本無痛  
痒爲意止也所謂寂寘身憺怕故選擇諸義道聖慧  
是族姓子菩薩觀身痛痒了本無痛意止淨行佛告  
族姓子菩薩觀心了本無心爲意止行立於道心得  
得立心以已意慧求其心本不見內心不見外心不  
住內外察其心本不見五陰無諸種無諸入其心寂  
定求其持處從何所起則更思惟心起緣起尋復思

惟其心爲異因緣異乎卽復自了設因緣異其心異者則有二心設使因緣是心心是因緣以是之故心不見心計於心者非不見心猶如虛僞無實諸塵住於虛空利刀傷指本時爲瘡指瘡已差無所患苦如是族姓子心亦如是由是之故心不見心心所見者則無所見應觀如是心所住處亦不起罪不見斷滅不念常存亦無有身身如牆壁因緣不亂不離愍傷亦不有是亦不有異是爲心也持心如是心動爲法心無所住亦無所行心不可見心相自然作是曉了所見若茲不離所見其心寂然明識無本是爲菩薩觀心無心爲意止也又族姓子設心不起而不可見則無有想無應不應亦無輕慢則不放逸是爲觀心知本無心爲意止也又如心無色其因緣合及與辯才亦復如是德本無色如心無爲德亦無色所觀道心亦復無色設使道心及與勸助無有形色道亦如是悉無所有是故言曰如其心者行亦如之計若勸助道心亦如如其道心人心本淨亦復如道道心本淨一切諸法亦復如斯如此心者曉了普入是爲菩薩觀心無心爲意止也衆患所惱未曾停住猶如獮猴及河駛水亦若油燈光曜所出忽然遠遊無有身

形而易退轉貪慾諸界六情之患以爲屋宅須臾變  
異各隨所應心無有處而獨遊行無有堅要亦無不  
要寂然獨觀是謂觀心無心意止清淨心所入慧心  
之法界慧心所住其明本淨鮮潔無穢知心真諦心  
了現在目之所見心法平等慧亦如心心等三世已  
能平等便知真正心慧自然無能護持觀不可見是  
謂觀心無心爲意止也計其本淨則爲自然心亦本  
淨了衆生心以心淨故開化人民爲其說法以能解  
知已心自然一切衆生亦復自然若能分別心如是  
者見其心相而爲說法如心相自然衆生心相自然  
如此若能達斯相者爲其說法已心則空衆生之心  
亦復爲空已解此空爲其說法等御已心若能等御  
而爲說法已身則等已等已心則等衆生已等衆生  
則等諸法已等諸法則等諸佛曉此真諦不令其心  
離於貪欲不處於欲心已止者則入法界趣於自然  
心無所住於法無動是謂菩薩觀心無心意止清淨  
佛告族姓子菩薩觀法知本無法爲意止行卽自念  
言法起則起法滅則滅計於本末亦無我身人壽有  
命人與非人生老病死終沒所趣於此諸法諸法合  
會因其合會而爲習俗設無緣合則無有此從其習

樂因成緣會則興善本及與惡本以歸無常無有緣  
會不從無習而起諸法彼觀如是曉了諸法見所歸  
趣亦無所有空無相無願所作功德及無功德彼諸  
所行如幻無常當奉精進設興因緣有十尊行極上  
無益除去因緣志于大法何謂爲十身淨無穢諸相  
種好無能見頂超度一切諸所侵枉志性清淨具足  
十事其心清淨具足正行六十億音口之所說可悅  
衆生其心淨者常懷慈仁愍念一切無所加害其意  
常定未曾有亂辯才清淨有所講說應于法義辯不  
可盡大慈清淨勸化衆生一切令樂泥洹之界大哀  
清淨無央數劫不貳生歟淨十種力曉了衆生根源  
所念各各不同清淨無畏分別執御無央數法衆生  
積聚欲具諸佛不共之法去來今慧三世無礙諸佛  
法淨用能自在歸聖慧故是爲十彼已逮此尊妙極  
上無益大法十事之行稱量思惟不以貳倦積累功  
勳而不毀惰無德之行殷勤精進何謂諸法根原所  
來令無處所度於所住諸宿塵勞已曉萬物一切無  
常便能興成無常三昧得是定者無堅要想不亂三  
昧從其本願示所向生來有所入而復出生則以班  
宣功德之行開化衆生是族姓子菩薩大士善權方

便普說經典觀於諸法達本無法爲意止也其有致  
道遵修經典若能曉了道品之法不作衆善不見有  
常亦無所著不除惡法道心所見所在無斷亦不計  
常不墮斷滅若有菩薩棄捐見常斷滅之事執心平  
等而無所住處於中間何謂中間不應念行無明衆  
冥悉除去此是謂中間無有教令無可誨授無言無  
說是謂中間取要言之無明行識名色六入觸痛受  
取有生老病死憂感之患惱無可會皆已除盡是謂  
中間其所教者無有智慧亦無處所是謂中間其中  
間者無有驛使亦無遣者如是宿處計彼所有無有  
教令無訓誨者計是本末不可決了未有所處不可  
捉持則無所著寂寘憺怕忽然已滅是謂中間譬族  
姓子呼響所出無有處所其趣親近音生於對治若  
見諦者墮於真僞是爲中間無言無說彼則無見亦  
無所處如是族姓子所因興發識色之事及所教令  
所因合成從二緣對其中間者無教無說是謂中間  
因緣合成不用義理其義理者則不可得其不可得  
則不重來其不重來是謂中間又計我者則了無我  
滅寂於此於我不我自然清淨是處中間計人壽命  
於人壽命而無所見清淨自然是謂中間於想無想

而無想樂是謂中間所興顛倒所得之事而無所有  
是爲中間虛妄愚癡至誠之教悉不可得是謂中間  
此岸彼際消化已身無令所著有爲無爲不行諸習  
是謂中間蠲除生死而去泥洹悉無言教是處中間  
佛告族姓子其觀於法了法本無爲意止者不壞法  
界其意自然而得意止彼導法界曉了諸法計其法  
界及與人界於彼法界亦無所壞不毀人界人界法  
界此二事者等如空界彼以一界普見諸法以慧眼  
見則用法界觀佛所行假使有人不選擇法彼則無  
見以是之故諸法若干見無本法不觀若干若以觀  
法見本無者不肉眼見不天眼見不慧眼見所以者  
何計使眼者不受於想不肉眼見彼眼不墮生死之  
行若以天眼無所見者不用彼眼行於放逸若以慧  
眼無所見者彼爲觀法了法本無普見諸法無有處  
所法無所住已見諸法無所住者則行法意便不違  
失往古所誓是爲菩薩隨諸佛教而自立意敢可觀  
察深妙之法不捨道心諸通慧矣是爲族姓子菩薩  
大士觀本無法意止淨行佛告族姓子是四意止行  
四精進何謂爲四觀身無身棄捐討實不淨爲淨顛  
倒之想觀痛無痛棄苦爲樂顛倒之想觀心無心蠲

除無常計有常想觀法無法捨遠無我爲我想者於  
四顛倒而修平等則無所著菩薩若能行平等者則  
能清淨一切諸行菩薩奉此平等清淨微妙行者便  
逮法忍名四意斷亦得法忍何謂意斷清淨行者講  
說道法以此因緣善本法行自然隨順不從惡本不  
發瑕穢諸不善本萌芽未生不令興起爲奉精進諸  
惡言起非法之事尋便滅之爲修精進諸善法事未  
興起者勸令發生已興善法益加精進令其具足不  
使忘失爲行精進又復菩薩本行淨業能自制護不  
失善法得自在住漸稍長育顯揚善法善法已興不  
復忘失彼族姓子如是行淨此四意斷其菩薩行心  
違佛慧則從道教行于大哀心心相見覩其所念不  
失精進已行平等曰得意斷所以者何從等安詳不  
用反邪以因安詳不從反邪便逮意斷平等三昧已  
得三昧名曰平等四意斷也佛告族姓子若能修行  
此四意斷則能奉行具四神足斷除貪欲奉行精進  
則令道心靜然無穢所思薄渺已去非法則逮輕便  
致成大哀精進輕舉獲權方便已誠輕舉因是之故  
成四神足昇于道堂得四自在何謂爲四於壽自在

已得長命由已無限在短命中具無量壽勸化衆生  
在長命中聽省說法或有厭倦現於短命使渴仰法  
殷勤求義在在所生天上人間各得自在於其壽命  
是爲第一逮得自在又族姓子身口自在其人身口  
逮致由已心不猗身逮意現形隨其容貌而示色像  
因其衆生成威儀禮節體之好醜長短善惡思惟正定  
以何律義而可開化菩薩則從變其形貌坐起進止  
發意之頃化一切人蚊行喘息人物之士身形顏色  
皆爲一類而爲說法是爲第二而得自在又復於法  
而得自在於三界執御度世之正典不行俗法則隨  
習俗普現變化亦不捨遠度世之慧亦無所失至無  
礙慧淡奧之道十二緣起因緣之法而見迷惑若生  
天上及與世間隨其語言令無數人皆隨律教從其  
所好上中下願各得其所所得自在巍巍如斯是爲  
第三而得自在又有菩薩建立其心使得由已其自  
在者攝三千大千世界諸有大海合入一海而建立  
之亦無往來而現變化三千世界諸須彌山立爲一  
山使四天王及忉利天不知合散去來所趣因而現  
變三千世界而爲建立諸有民人計皆知數樹木華  
實令虛空中滿其水火或化衆寶從其所變而建立

之已能建立發意之頃靡不蒙度忽然如故是爲第四而得自在又族姓子菩薩以是四神足行而自修立與十方佛共俱言談坐起經行不離左右與諸釋梵及四天王天龍鬼神犍沓憇阿須倫迦留羅真陀羅摩休勒人與非人一切衆生俱共相隨談言說事坐起行步所以者何菩薩神足微妙巍巍卓然有異往古修行善法之義無有缺漏因獲致此何謂神足往古修行善法之義輕便其身恭敬尊長奉事衆祐麌疋給使不以爲難謙卑下意不懷自大口說善言悅可衆人莫不敬愛自歸稽首禮節備悉言行相應其心輕便不懷慢恣無危害意彼修謙恭自伏其意聽受尊言順教跪拜執心柔軟而制其志精進修行未曾捨離其人具足戒之禮節身所造行與衆殊特心不懈慢亦不放逸從其貪欲而起瑕穢瞋恚愚癡愈度於衆事所負重擔由因羸劣而致此患陰益衆事爲去其擔五事所受施以恩惠依橋道度以大船度四瀆具度一切衆生之類越於泛流有所開化超然有異亂者正之逸者定之癖者立之毀者笑之不疑迴波決諸狐疑所說殊異安諸動搖救念諸界覺

諸不寤所愛重物每以惠施後無所悔將濟衆生勸助道意若見他人積累德本代其歡喜未曾歎已爲身獲安見他人安歡悅善之易養知足不望他利愛樂出家勸人出學修大強慈常懷道心等怨親友樂如虛空見疲極者設以車乘則以無畏加於衆生見學問者敬之如佛其未學者不以輕慢其貧匱者施以財業若疾病者救以醫藥令得濟命免救護者爲犯諸惡於諸世事而無所著奉行諸德是族姓子修諸神足微妙巍巍持行如是不失神足常與其俱至成佛道是爲菩薩神足淨行

### 大寶積經卷第一百一十七

校譌

### 第十紙

入行哀宋  
南藏作衰

音釋

淳淑

淳殊倫切解厚也

瘳愈

瘳音抽疾病渝也

濡

汝朱切濡音

菩薩名也

捷

杳

忽

急

陰

捷

巨

言

切

杳

達

合

切

忽

音

紳

羅

陁

鄰

那

朱

梵語也

此

憺

怕

憺音

杜

覽

切

怕

白

各

貌

恂

恂

須倫切恂

疾

士

切

戲

險

戲處宜切止險

也

隉

隙

也

戲

險

也

隉

險

1 2 3 4 5 6 7 8 9 20 1 2 3 4 5 6 7 8 9 20

謂深陷不殃疊  
可測也 �殃疊許刀切際鍔也  
去縫切 奄足充切 驚餐饗音明貪財日號餐  
蟲行貌息疾也 痘食日發癬正作  
益切足 痘食日發癬必  
病也

丹陽居士賀學易施賛刻此

大寶積經第一百一十七卷 恩江沙彌可震  
對儀真王國英書 漢水端學堯刻

萬曆丙申季夏徑山興聖萬壽禪寺識

## 大寶積經卷第一百一十八

西晉三藏竺法護譯

## 寶髻菩薩會第四十七之二

佛告族姓子何謂菩薩五根淨行不受諸法而修道  
義是爲信根願度彼岸不須仰人爲精進根不捨道  
意爲一切故是爲念根執御大哀欲濟危厄是爲定  
根若能奉受一切諸法而修寂寘是智慧根又族姓  
子篤信一切諸佛之法順從道跡是爲信根奉諸佛法  
未曾懈倦是精進根念諸佛法聖義存心未曾忘  
捨是爲念根修習佛定初不懈廢是爲定根能除一

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

切衆生疑結無所志願是爲慧根又慕佛道不懷猶豫是爲信根其性調柔順修精進無有退還是精進根勸助德本長而無損是爲念根等演光明照於衆生救脫憲亂是爲定根分別一切人之原本而爲究竟法是爲慧根超越一切諸所呈礙而無所著是爲信根解衆生結令無諸縛是精進根志所奉行而無所著獨步三界卓然有異是爲念根知諸呈礙因緣所由是爲定根了諸著猗智靡不達是爲慧根又使所遵而無所惑是爲信根化人不惑捨於非時常懷悅豫是精進根所從法敎常行清澄微妙之法不迷衆穢不忘道義日日增修是爲意根其心清淨奉行平等而以正受聖慧均平而得度矣是爲定根若於法界了無所礙去諸非時住解明法是智慧根滅除一切諸非善本修行衆德是爲信根遵諸善本順從經典是精進根積累衆善不違失法是爲意根定意歡悅不貪樂安分別衆生諸德之本是爲定根奉行衆善從其方便等修道法是爲慧根又信勤修捨諸懈廢意無所求無所忘失將護定意令不迷惑奉行智慧開化愚癡又行信者棄捐邪法行精進者放捨吾我其心專一度於貪身以能行定裂壞諸網六十二

見其智慧者蠲除一切猗著恩愛是族姓子菩薩所修五根淨行佛告族姓子何謂菩薩行五力淨若計於此能立五根奉行不捨降棄四魔不從聲聞緣覺之乘從於大乘未曾退還消衆愛欲塵勞之穢其願堅固心得自在志存勇猛其身康寧強而有勢諸根憺怕不壞篤信是族姓子名曰信力所不當作而爲之制御其性而令均調是精進力所當修者而皆行之其意勢強是爲意力所造道業未曾忘失以度一切是爲定力不爲色聲香味細滑衆念所危超度一切猶豫衆結意之所住是爲慧力又信力者不從他教而有所受精進力者所當執持而不忘捨其意力者逮得總持不失道意其定力者說法平等不從偏黨其慧力者決諸狐疑解散衆生結網之縛又信力者則能具足誠信之勢精進力者解脫堅強度未度者其意力者具足解慧度知見力其定力者具足究竟志性之力其慧力者具足一切衆行之原又信力者能制慳貪垢穢之難精進力者皆能放捨一切所有其意力者所顯德本勤助道心其定力者等心遵行捨諸所求其慧力者諸可修行未曾望報又信力者釋除一切毀戒之聚精進力者殷勤修禁未曾

違失其意力者具足道心令不闕漏其定力者輒得歸趣仁和之地其慧力者於諸所行皆斷生滅又信力者離於諍訟瞋恚之本精進力者正念所行遵修忍辱其意力者具足道行亦不毀法其定力者先自制心令不放逸擁護一切衆生之類其慧力者不計吾我亦無人想又信力者棄捐懈怠衆穢塵垢精進力者皆得超度一切因緣不爲惡事之所見迷其意力者修行於道而令具足其定力者身得休息能誥降魔其慧力者於諸所作無作不作又信力者消化諸垢衆邪之行精進力者合會衆生而開化之其意力者常一其志而勸助之其定力者常行靜寂未曾憒亂其慧力者曉了諸人所行之法又信力者棄於諸見所識衆垢精進力者常勤修行求於博聞其意力者嚴淨思念所行如應其定力者心無所生乃能逮得其慧力者精學堪任令致成就又信力者常得至誠七財之貨精進力者曉了分別致七覺意其意力者心常整齊未曾憒亂其定力者則致超度七識之住其慧力者過於八邪而無著也無能破壞心常清淨是爲信力奉行清淨而不退還無淨不淨無應不應是精進力清淨其意合集群類道品之法無意

無念是爲意力其心精進修於寂寢乃爲正受是爲定力若能清淨不爲諸見之所迷惑奉諸德本是爲慧力是族姓子菩薩所行五力清淨佛告族姓子何謂菩薩七覺品淨彼以發顯念覺品者而得自在不失道慧法覺品者觀察所行則隨應時而無所著精進覺品所勤修行至無罣礙歡悅覺品者心成無所樂信覺品者身意休息得至究竟定覺品者離於志味而得達至觀覺品者所可造業而悉成辦又求道心亦無所得亦無所失是意覺品若將護法精進日新是法覺品開化衆生不以耽倦是精進覺品設樂法樂殷勤思議是悅覺品若化人民滅除塵勞建立於道是信覺品若住等意心不壞亂是定覺品若能察行聖賢之慧建立衆人是觀覺品無憂不念若如師子過於聲聞緣覺之乘是意覺品一切諸法皆悉清淨曉了此者是法覺品其行清淨護身口意而無所犯是精進覺品淨無所著離於危害是悅覺品嚴修所行所當爲者而悉成辦是信覺品未曾順從世之同塵平等色像是定覺品未曾住於二法之行離於漂流常見將護救於衆生是觀覺品佛告族姓子所以名曰覺品者何了了曉諸法靡所不達分別稱

量識知所趣解其威儀禮節所歸開化衆生彼所住處已身勤修廣行道義除去結縛諸所拘綴是意覺品斯則爲是賢聖之行非是愚夫所修說其聖行非魔所行非是貢高自大所行聖賢行者此則非是外道異學之所及逮賢聖所行不行色聲香味細滑之法賢聖行者則無衆相因緣之著賢聖行者便無選擇處所方面有所忘失賢聖行者無心意識念言之行賢聖行者離於見聞念知識法賢聖行者無有泥洹造念思想於一切法無所行者是賢聖行修於經典一切無有應與不應念與不念亦無他想是賢聖行於一切法悉無所住不慕尊處所是賢聖行於一切法而不錯亂順行正義各令得所是賢聖行於一切法未曾諍訟和同止住是賢聖行奉行諸法無諸法想不失道意是賢聖行此族姓子修七覺品聖賢清淨之行佛告族姓子何謂菩薩修八道法清淨之行所謂八道行者一曰正見何謂正見若能奉行一切諸法於我不我不住空觀所以者何察身吾我等無差特亦復不住觀身人空所以者何身人及空亦復等耳亦復不住觀人壽命與空別也所以者何人壽命空觀心平等亦復不觀所有生滅離於終始空

1 2 3 4 5 6 7 8 9 20 1 2 3 4 5 6 7 8 9 20

無之義所以者何所有生歟及終始患所見空者悉亦等耳不住觀空斷滅常見有吾有我所以者何斷滅常見悉亦等矣亦不計身及所觀空亦不住此所以者何身吾我空悉亦等耳亦復不住見佛法衆觀空之行所以者何見佛法衆及所觀空悉亦等矣是族姓子有彼此見觀至滅度是爲正見見佛法衆其邪見者不離顛倒也若於諸見無所想念上妙中間是謂正見所以者何如彼等觀則亦無耶以何爲見其所見者當觀平等見凡夫法以爲卑賤所學法者以爲尊高如是觀者則爲邪見見凡夫法穢行未消菩薩法者無有塵勞如是觀者則爲邪見見凡夫法以爲是漏無所學法以爲無漏如是觀者則爲邪見見凡夫法有求衣食緣覺之法不望供養如是觀者則爲邪見見有小意有所希望菩薩之意無所希望如是觀者則爲邪見見凡夫法以爲放逸菩薩之法以爲無欲如是觀者則爲邪見見凡夫法悉有爲事佛之正法是無爲道如是觀者則爲邪見佛告族姓子有能察凡夫法一切法皆本淨其學法亦本淨觀諸法悉自然乃爲正見也凡夫法所學法亦空了學法空乃爲正見凡夫法者等於因緣曉了如此緣覺

1 2 3 4 5 6 7 8 9 20

1 2 3 4 5 6 7 8 9 20

之法因緣亦等乃爲正見凡夫法者則爲靜默菩薩  
之法亦爲憺怕乃爲正見凡夫之法無所成就諸佛  
之法亦無究竟乃爲正見其正見者心不入二不見  
二者人亦無二不見吾我則爲正見無若干見不以  
若干爲異見者爲平等觀則不想念一切諸法有上  
中下於一切法無所想見乃爲正見其正見者無若  
干見亦無所見無所見者乃爲正見所可察者無有  
形色以見諸法無形色者乃爲正見是族姓子觀一  
切法曉如是者斯乃名曰頌宣法律說是語時五百  
比丘漏盡意解佛告寶髻菩薩所謂正念蠲除諸念  
與不念俱合集寂然而觀智德至憺怕法曉了所觀  
見於諸法所念信者何謂爲法何謂非法解知諸法  
各各別異不相親近以曉了是不念平等況于信邪  
未之有也於一切念無念不念無所復思無應不應  
是謂正念佛告族姓子所謂正言其所說者不自見  
身不見他人不著彼我不危己身亦不危他是謂正  
言又正言者等解諸法知一切法至於滅盡知一切  
法歸賢聖法及與解脫是謂正言奉行慈心重加愍  
哀親仇無別正言亦空等演諸法無相不願悉無所  
作不生不起諸法言等一切諸法無常苦空非身之

教其正言者一切諸法無人壽命等說諸法從意緣  
起如其所種各得其實菩薩等示衆生宣其經法令  
行佛道其正言淨則爲一切十方諸佛之所擁護是  
爲正言佛告族姓子所謂正業消化一切諸所造業  
未曾復作諸所原基所修業者滅衆苦惱諸可常業  
悉令立虛不興邪業離於塵勞無有穢濁是謂正業  
若有菩薩曉了此業及與諸法於諸善本而無所造  
以修德行是謂無作則爲造行爲虛無要空虛之宅  
是謂菩薩行上遵道爲正業也佛告族姓子所謂正  
命不計有我不計有人是謂正命其正命者亦不積  
聚一切塵勞菩薩正命則能淨修衆生志性已淨志  
性不自計身亦無壽命等爲彼我及與法故行清淨  
義是謂正命佛告族姓子所謂正便於此不爲非法  
之事心不捨德所作方便安無怯弱修於正行淳淑  
近之是謂正便其正便者不爲邪便所作方便如其  
所言不計諸法等異不等無作不作如諸法住順其  
所行而設方便計如此法諸佛之法亦復如是如其  
寂然因爲方便諸法平等無有差特所行亦等爲諸  
衆生除其邪便則以勸助於諸通慧是爲菩薩所行  
正便佛告族姓子所謂正意謂憶佛道念施持戒忍

辱精進一心智慧慈悲喜護是謂正意念於殷勤不  
聽一切塵勞之穢不從魔便其所念者枉所向生不  
墮邪見工御其意制其所念如監門者知閉開時除  
去一切諸不善念無所思想不聽邪念是謂正意菩  
薩已處於此正意不於此中寂滅道性而取果證是  
爲菩薩正意淨行佛告族姓子所謂菩薩正定隨賢  
聖行知於苦諦斷集諦種證盡諦種奉道諦種是爲  
正定彼若正受等於己身亦等諸法已身清淨諸法  
亦淨已身則空諸法亦空定意正受能如是者則入  
平等不墮滅盡是爲菩薩正定淨行發心之頃所行  
平等具足智慧一切聖福覺了諸法是爲菩薩正定  
淨行佛說是正定覺時千六百天與人弟子行者好  
樂小乘已入其法故發無上正真道意佛告族姓子  
何謂菩薩護覺意將養其心令不起生除姪怒癡去  
於色著痛想行識在於三處而無所著獨步三界過  
三脫門至三達智覩去來今無所呈礙開度衆生除  
諸穢垢猶如日明無所不曜善權智慧隨時示現遊  
於三世如水蓮華開化一切使發道意是爲菩薩護  
覺道意清淨之行佛告寶髻何謂菩薩成就神通爲  
清淨行又以五事具備徹視何謂爲五逮得光明名

曰天眼普照十方消盡冥靡不覩耀見一切佛所  
可開化多所度脫故曰天眼遙觀衆生終始所趣莊  
嚴其志名曰天眼皆見十方一切形色像貌種類好  
醜長短其天眼者無所罣礙意念寂滅其相無爲過  
諸天龍神及犍沓惄聲聞緣覺見其本末靡所不達  
是族姓子如是比類致五神通逮此天眼爲菩薩眼  
是爲菩薩天眼之淨佛告族姓子復以五事成其徹  
聽靡所不聞何謂爲五聞於人聲亦復徹聞非人之  
聲亦聞地獄餓鬼畜生辛苦之音一切十方諸佛說  
法悉亦聞之一切十方諸有言語音辭不同各各別  
異億萬種音皆能聽了是爲五事菩薩神通徹聽清  
淨佛告族姓子復以五事知人心念何謂爲五悉能  
逮知諸天人民地獄餓鬼畜生之類本末所因心念  
善惡方當來世若見受身知去來今心念所趣決定  
來處歸於邪業衆生心念善惡所行皆了知之察其  
心意或懷貪婬瞋恚愚癡隨其本行如應說法是爲  
菩薩知諸心念清淨之行佛告族姓子何謂菩薩知  
過去神通清淨謂以五事了知古世其有受於婬怒  
癡者悉自然受不熟思惟致此事耳復解已身無央  
數世便更專惟布施持戒忍辱精進一心智慧慈悲

喜護緣其定意而逮得此亦從已致其受吾我念心  
因緣諸相之觀其相因緣亦從已爲而自然受思惟  
其心自觀其志其入癡門亦自然受念識此已隨其  
色像眷屬勢力名稱豪貴貧賤苦樂亦已身爲皆自  
然行而受此患是菩薩知往心念清淨神通佛告族  
姓子何謂菩薩具備神足則以五事而逮神足何謂  
爲五示現色身神通自在神識音響神足悉達心意  
所行神足普周一切衆生心所娛樂神足皆別親近  
所見神足咸至坐見十方無數國土周徧一切諸佛  
境界隨其習俗現其形體身徧一切十方衆生爲其  
說法令得開解發大道意是族姓子菩薩所行神足  
清淨佛告族姓子菩薩慧眼具天眼淨其天眼者住  
於神識亦無所著則致天耳本末清淨住無罣礙尋  
卽知衆生心念靡不通達悉知過去當來處所悉能  
證明住無所行皆盡諸漏生死之行使淨神足諸通  
明徹所謂神通則諸漏盡聖慧之門菩薩於彼以此  
五通而自娛樂其心不住盡諸漏慧佛告族姓子譬  
如去於居邑百千逾旬玄迥之路有大國城其路艱  
險衆難難計岨邃曲隘寇賊抄掠師子虎狼還相食  
歟若出此路能到彼國入大城者悉脫衆患安隱無

量時有一人聞彼國城恩德功勳快樂遠著其人生  
年唯有一子甚愛重念視之無厭聞彼國名捨子而  
往盡力勤行忍諸艱苦衆難之患晝夜不懈得值陰  
涼六藝備體執持五兵便得越度到其城門住門闥  
上稍復進前至第二門開其城門而獨住立卽便憶  
念所生一子獨不得來以子恩情不入大城尋更還  
反將其子來共至樂國佛告族姓子菩薩如是被無  
極鎧以大精進堅固志性精誠所致顯發大道淨治  
心業淳淑之行諸漏得盡興大哀心開化衆生爲其  
說法慧斷生死得至無漏究竟成就哀愍衆生欲救  
護故則復來還現凡夫地佛告族姓子其城者喻聖  
慧巍巍諸漏已盡涉難遠行百千逾旬玄迥路者謂  
遊無量生死諸難救脫衆生不以爲拘盜賊虎狼者  
謂衆魔邪見非法之難相食噉者謂三界中陰衰之  
患值陰涼者謂平等行六藝五兵謂六度無極五神  
通也其人者菩薩也到其城住門闥上從外門稍復  
進至中門住不前者謂菩薩而從有爲至於無爲諸  
漏已盡其心明徹不捨本願欲度十方如念一子也  
不入城還反者菩薩愍傷一切衆生中心念之如一  
子父滅除生死諸漏之難超住法頂雖出生死不盡

諸漏尋復來還在於五趣開化衆生是爲菩薩善權  
方便大哀之行爾時寶髻菩薩前白佛言至未曾有  
天中天菩薩大士心懷大哀不樂解脫欲度衆生如  
觀已掌反還生歎而不惡歎復問佛言菩薩遵修何  
法不歎生歎佛告族姓子菩薩有二十事不歎生歎  
何謂二十事奉行德本至無極慈執持大慈以攝大  
危懷抱大哀攝不弘愍開化衆生度脫一切常以精  
進攝諸怯劣以和調性攝諸懷結以權方便攝不知  
節則以智慧攝諸愚冥而以一心攝諸放逸能以神  
通攝諸不暢能以聖明攝諸闇塞能以隨時攝諸無  
義其意專惟攝諸煩惱遵奉道心攝諸不學而行四  
恩攝諸無護以布施攝貧窮以敬戒攝無禮以博聞  
攝少智以總持攝喜忘以辯才攝頑訥以上德攝少  
福由是之故乃成大慧是族姓子菩薩所行二十事  
不歎生歎也寶髻菩薩復問佛言何謂菩薩宜於生  
歎爲無數人而有加益佛告族姓子若使菩薩以德  
莊嚴宜於生歎以福潤澤窮乏危厄博聞莊嚴宜於  
生歎則以辯才多所饒益能執其意而不忽忘逮得  
總持宜於生歎令一切人各各聞慧逮得寶掌以好  
布施而自莊嚴財不耗減用此財寶多所饒益又不

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

放逸宜於生處講法不倦多所饒益於一切人又等集諸相宜於生處修慧莊嚴於諸衆生言行相應宜於生處所爲應時不失其節多所饒益於諸衆生一切所有施而不憚宜於生處隨時開化各得其所施度無極多所饒益於諸衆生奉清淨戒宜於生處莊嚴持戒多所饒益於諸衆生忍辱精進一心智慧宜於生處六度無極多所饒益於諸衆生佛告族姓子乃去往古無央數劫長遠無量爾時有佛名普壞世如來至真等正覺明行成爲善逝世間解無上士道法御天人師號佛世尊世界名曰天觀劫名欣預何共歌頌此咨嗟聲其有聞之靡不歡喜善心生焉以是之故劫名欣預佛告族姓子其佛世界安隱快樂其德巍巍諸天人民觀之無厭以故世界名曰天觀於千世界又其佛土所出香熏則能周徧十方無量無數之國栴檀烟陰於其土地自然生起無極蓮華名光明耀其蓮華光常以大爛照彼世界人民大小皆有神足宿德所居香爲樓觀講堂精舍軒戶窓牖

1234567892012345678920  
牀榻茵蓐微妙統綻其佛之土亦無國邑郡縣村落  
又彼人民悉得神通經行虛空樓閣講堂亦處于空  
坐斯樓堂專精念道諷誦講論彼無女人亦無胞胎  
人皆化生不聞女名亦無三塗惡趣之名又無衆惱  
勤苦之患一切衆人禪定歡悅以爲飲食篤信微妙  
志求大乘彼無異乘聲聞緣覺之名也其土人民皆  
著冠幘衣服顏色猶如天人假使出學塵勞愛欲尋  
皆捨離無有憂累又彼如來亦不勑告諸菩薩等使  
被法服所以者何其人不生穢濁心而彼如來形體  
威顏現如梵天諸菩薩衆威儀禮節靡不備悉坐起  
安詳講說經道設使十方諸佛之土有無極變神通  
菩薩詣天觀世界者通過諸國來覲如來稽首歸命  
聽說經典見彼佛土無有倫匹其德超殊巍巍無量  
怪未曾有舉聲嗟歎爾乃捨去佛告族姓子若彼如  
來爲諸菩薩頌宣道化踊昇虛空去地六十六丈坐  
於微妙清淨莊嚴師子之座爲諸菩薩論上法教粗  
舉其要不廣分別屢申中義如吾於此多說殷勤所  
以者何斯諸正士悉入聖慧以一章句輒能解入百  
千之義是故如來約宣經教不以多言其佛爲說四  
清淨行度無極淨道品法淨神通行淨化衆生淨是

爲四也佛告寶髻時彼佛土有一菩薩名曰珍寶卽  
自啓問壞世如來何謂菩薩宜在生死多所饒益於  
諸衆生於時如來便爲菩薩廣分別說此兩句義於  
斯大慧道莫能當菩薩所行恒在生死逮得慧曜多  
所潤益佛通說是六萬菩薩得最順忍佛告寶髻珍  
寶菩薩復問何謂菩薩嚴淨道場坐於佛樹壞世如  
來告珍寶曰以無放逸嚴淨道場坐於佛樹於彼何  
謂無放逸者其佛告曰奉行經典又問何謂奉行經  
典告曰言行相應是無放逸又無放逸不自馳騁修  
於無量大德之鑑不與陰合越於五陰布施無量不  
可盡故持戒無量爲未學故忍辱無量堪衆苦故精  
進無量正士業故禪定無量無退落故智慧無量無  
罣礙故慈心無量開化衆生不可限故悲哀無量愍  
傷衆生濟匱乏故行喜無量以法勸悅衆生之故行  
護無量救濟將養群生之故生死無量長育一切佛  
道法故化無量人安彼我故正法無量將順隨時堅  
精進故德慧無量執權方便等應時故奉無量佛具  
足慧故求無量聞智卓然故心入無量覩見衆生志  
性行故節德無量志存閑靜有限之故閑居無量將  
順心故寂嘿無量所察廣普速疾具諸通慧故佛告

珍寶是無放逸所當遵法菩薩行此無放逸者嚴淨道場坐於佛樹則其義也又族姓子其無放逸諸道品法所立之本致無放逸聖慧之原逮堅要法以無放逸積累德本能不放逸未曾忘失往古久遠所聽聞法普能執懷一切經典消化塵勞無量陰益於諸道義無所呈礙無放逸者則能燒盡曠野積聚愚癡之冥悉能將護一切經法滅除衆相抑制諸根無放逸者退捨邪逕奉行衆善力勢超殊具足十力力如虛空而無等雙無放逸者得無所畏具足成就一切佛法歸其原頂無放逸者便能獲致佛諸通慧佛告族姓子彼佛說此無放逸時萬二千菩薩逮得無所從生法忍於族姓子所憶云何時珍寶菩薩豈異人乎莫作是觀所以者何則汝身是由斯緣故當作此觀若使菩薩無放逸者乃爲應宜嚴淨道場坐佛樹下入如來道不可限量佛復告寶髻菩薩所謂菩薩開化衆生若菩薩行清淨者見衆生行心懷善惡便能開化無量難限不可思議衆生之類各使奉行無極之法其菩薩者志性調柔入於審詳自在開化幾何人民彼族姓子人根不同所見各異是故菩薩隨時示現而誘進之或能有人堅正禁戒乃成開化或

從毀戒因得受教或以衣物往來交接緣受道化或以柔軟或以麤獘或懷毒心或以恐怖或以苦惱或以安隱而受開化或枉言語或從得勝或從因生或從志性或從逼惱或從順意或從所有或從無所有或從興盛或從所受或無所受或從財業治生或從靜然無所易取或從貪慕求妙顏容或從惡色或從色聲香味細滑之法而致開化或瞋罵臭氣惡味麤堅穢法而得開解或從共居宿止受化或從往來數數相見或從聞佛法聖衆或從歡喜或從憂患或從無我或從寂音或從布施持戒忍辱精進一心智慧之音而受開化或從衆<sup>一</sup>看爲之惱或從聽聞天上世間所遭安隱而受開化或聽聲聞所說乘教或緣覺乘或聞大乘而受開化或從常喜不以憂惱或從憂患不因欣預或從貨利或從踊躍不見愛敬或從得利或因衰耗或復有人而從四恩因而開化或從內業或從外業或從眼耳鼻舌身體手足而受開化或以娛樂歌戲或以華香而受開化或從其身專遭苦患或從常樂而受開化或從其心得靜方便或從化作比丘形像或復變現比丘尼優婆塞優婆夷像而受開化或復現作佛像容貌而開化之或如釋梵

轉輪聖王像貌而開化之佛告族姓子若使不現若干種變觀其性行從其心念而開化者不能度之當曉了知衆生性行應病與藥所度乃廣設令菩薩行度無極則能奉受佛道品法亦能明了神通之慧然後寂然開化衆生菩薩有四事法開化衆生何謂爲四一曰不厭終始之患導示未及二曰不貪安已願安一切三曰常以時宜宣示道教四曰分別衆類心性所行是爲四復有四一曰所說柔和言辭可敬二曰奉戒清淨猶如日明三曰顏色常悅未曾懷恨四曰常懷慈心復有四一曰心不懷害二曰志於大哀三曰意多愍傷四曰常調其心復有四一曰性行清淨二曰無有諛諂三曰精進堅強四曰忍於苦樂善惡是爲菩薩四法開化衆生當作此觀乃能堪任救濟一切佛告族姓子往昔過去無央數劫長遠無量不可思議爾時有佛名離垢光如來至真等正覺明行成爲善逝世間解無上士道法御天人師號佛世尊世界曰寂然劫名愛敬寂然世界豐樂安隱五穀平賤快樂難量天人孳盛離垢光佛其聲聞衆九十六億菩薩八萬四千其佛壽三十三萬六千歲時有梵志爲大國王王有太子名曰業首端正姝好見者

無狀厥年十六惑於顏貌迷於豪貴荒亂自大不肯  
往詣離垢光佛不修恭敬稽首爲禮佛心念言太子  
業首云何忽失無上正真道意勸助德本不識本宿  
而計吾我荒迷容色財業豪貴及懷自大不數詣佛  
旣來至此不肯歸命違失禮節設爲殷勤宣其本行  
者必識宿命數詣如來稽首受教於時離垢光如來  
皆悉請會八萬四千菩薩使行法籌誰能堪任詣太  
子業首所八萬四千歲教化說法者而不思厭一切  
苦惱所見逼迫唯往教彼不見接待坐席言談但得  
罵詈毀辱誹謗耳佛告族姓子時雖行此籌八萬四  
千諸菩薩中無一菩薩肯受法籌時彼會中有一菩  
薩名極妙精進卽從坐起偏露右肩長跪又手前白  
佛言我能堪任八萬四千歲往來太子業首數數相  
見捨一切安皆忍衆苦雖遭諸厄不以爲患極妙精  
進適發此言三千大千世界應時六反震動百千天  
人住於虛空舉聲歎曰善哉善哉無極精進被弘誓  
鎧於時極妙精進菩薩往詣業首太子門前而住太  
子方見罵詈毀辱瞋恚誹謗言語衝口無有其限搃  
土坋之瓦石打之刀杖加之於時菩薩被辱如是不  
懷瞋恚不以爲恨亦不悔還遂堅其心被精進鎧智

1 2 3 4 5 6 7 8 9 20 1 2 3 4 5 6 7 8 9 20

力益增興發大哀而愍傷之如是千歲乃得自前入  
第一門從所苦困輕毀之難不以患厭至千萬歲轉  
復進至王宮第一之庭又二萬歲至第二庭如是之  
比八萬四千歲至第七庭七日七夜太子業首時復  
見之尋便質問比丘何來詣此所求菩薩答曰故來  
相詣相稱名勳於時太子心自念言怪未曾有今此  
比丘戒德難量無能逮者被諸毀辱未曾懈恥極妙  
精進勸悅業首尋說頌曰

太子吾今無所求 不用飲食及衣服

宜當顯發無怖心

大聖現世多所益

講說經法除苦患

若有人聞逮甘露

諸佛興出甚難值

無數千劫難可遇

執御衆人令受法

則爲世間之炬曜

反以欲得而放逸

貪於財色自娛樂

迷荒豪貴及王位

不肯往詣見法王

財業無常命難保

佛說人壽如朝露

太子自察亦當然

云何聞佛復放逸

仁者以曾志佛道

召請衆生欲度脫

於今何因爲欲使

放逸安可度衆生

1 2 3 4 5 6 7 8 9 20 1 2 3 4 5 6 7 8 9 20

吾且欲還詣毘勝 當降伏心滅塵欲  
仁興精進愍一切 將無後恨懷憂惱  
時國王子聞斯頌 卽自下意發恭敬  
禮極精進稽首足 吾今自悔辱仁罪  
我當棄捐一切事 不慕豪貴貪國土  
吾當往至安住所 捐瑕穢求見益  
卽與一億八萬人 各執衆華擎諸香  
俱往詣於毘勝所 見離垢光人中上  
已皆悉到安住所 前稽首足而供養  
退在一面住佛邊 於時太子說此言  
極妙精進是我師 心不患眾和顏勸  
此之恩德無以加 如是供養不足報  
歸悔首過救護世 違失法王之教命  
我今都悉自歸誠 願佛納受所首情  
於是發意悉求佛 用一切故興愍傷  
不復造邪爲放逸 今我立德成佛道  
爾時太子棄榮位 與人一億八萬四  
於毘勝所作沙門 發意志欲求佛道  
時佛知其所志願 爲說毘上佛道業  
諸聞淨法逮柔順 諸高士住無我法

1 2 3 4 5 6 7 8 9 200 1 2 3 4 5 6 7 8 9 200

佛告寶髻菩薩欲知爾時極妙精進我身是太子業  
首彌勒是族姓子過去菩薩開化衆生不以懈倦威  
德巍巍無量如此所學日深精進無侶是故菩薩欲  
度衆生當念修學如彼往世極妙精進菩薩之德佛  
告族姓子菩薩有四業而得自在以此四業攝取諸  
佛道法何謂爲四一曰超越諸魔靡不歸伏二曰念  
淨佛土令修淨教三曰嚴身口意順開士本四曰合  
集一切諸佛道品是爲四法自在之業復有四事爲  
菩薩業何謂爲四一曰其慧曉了所入志性二曰普  
見衆生根原所歸三曰分別一切諸趣所由應病與  
藥四曰明識一切徑路所行令得寂寢不懷瞋恚是  
爲四事菩薩所行自在道業於是寶髻菩薩從無數  
劫殖於難限百千德本髻中明月珠其價當此三千  
佛土以奉如來口宣此言以頂上寶貢獻如來因是  
德本致無能覩其頂相者逮成諸佛不可思議聖慧  
之頂佛卽來還遶佛三匝忽沒頂上於是會中有菩  
薩名曰捷辯從坐而起偏露右肩長跪叉手讚歎世  
尊以頌問曰

最尊無等倫 超世俗之上 無垢以離穢

三界稱其德 其慈無疇匹 超越須彌山  
今者何欣笑 願慧爲我說 真諦戒調定  
執性人敬言 令我志趣安 善修快寂然  
天人尊在此 其志甚堅妙 爲以何感應  
哀愍而今笑 十方總勢強 光明福曜威  
勇師子壞冥 遊衆無所畏 三界無有侶  
何能有殊者 法宅爲解說 何故而欣笑  
離垢性遊安 顏色常和悅 名德通虛空  
馳逸不可限 消除諸窈冥 光明靡不照  
安住唯爲解 何故而欣笑 修德心清淨  
願如金寶山 常訓誨不及 世人普供養  
則爲竚良田 衆祐聖超世 釋師子現要  
所演如虛空 諸天及人民 無與妙等者  
等心甚堅強 漸愧祥豐盛 巍巍德百千  
相如華茂盛 最勝能仁笑 願爲發遣之  
其慧無罣礙 流布於三世 處若干身意  
其心無所著 一時悉曉了 如應當行化  
仁師子屬笑 其義爲何義 諸天住空中  
意內懷悅豫 地上諸人民 又手而自歸  
能仁勝唯說 殊特甘露味 諸天神人聞

1 2 3 4 5 6 7 8 9 20 1 2 3 4 5 6 7 8 9 20

# 消滅塵勞冥

金剛經卷三

三五

佛告捷辯菩薩汝爲豈見寶髻不乎以此寶髻珠奉上如來志願無上正真道意則爲供養佛之原慧對曰唯然已見世尊佛言是族姓子寶髻菩薩於恒河沙劫供養恒沙如來至真常修梵行開化無數衆生之類立於三乘過十阿僧祇劫當得作佛號曰寶成如來至真等正覺明行成爲善逝世間解無上士道法御天人師號佛世尊世界名離垢光劫曰無垢其離垢世界七寶合成咸出光明照於十方無量佛土其光紫金假使衆生值此光者一切塵勞悉蒙消滅其土豐樂皆諸菩薩悉無所著無有異學相發起者普修道寶以故如來名曰寶成此諸菩薩皆得神通咸有辯才其土諸天人民悉當淳淑遵平等覺無有不及無智之名其土亦無君主唯以世尊爲無上法王諸天人民自然化生無有女人無愛欲名其土人民皆殖德本無無福者諸根悉具皆以相好莊嚴其身爾時如來諸菩薩衆不可稱數佛壽十四劫初無異談所說唯宣菩薩之慧諸度無極辯才大哀淳一品教是諸菩薩皆曾被訓諸根明達能以一句普入一切諸佛之道如來爲說總持言教慈心如地何謂

1 2 3 4 5 6 7 8 9 2 1 2 3 4 5 6 7 8 9 2 1 2 3 4 5 6 7 8 9 2

總持言教以一絕句普入諸章何謂一句謂妙聖句不可究盡道品之法何謂無盡句謂於佛道不可窮盡何謂無盡論於無者謂無盡句已能入無普入文字是爲一句一切文字而不可盡復有二字本所未聞亦未行也而宣說言出於一字其一字者不與二字而同勢也是以一字而宣訓誨設使宣布斯訓誨者無念不念無應不應此句無念亦無不念以無念句而成開化是爲族姓子爲入總持教寶成如來爲諸菩薩說總持言句於彼學入此一句者便得普入一切佛意我於一劫若復過劫分別咨嗟離垢光世界功德之稱不能究竟得其邊際寶成如來講說經道德稱之慧不可思議亦不可賜其佛大德國土清淨巍巍超絕上不可及寶髻菩薩聞佛授決歡喜踊躍以頌讚佛

普知悉能見 度諸法無極 如來皆超越  
一切諸穀穢 大慧未曾有 皆知我往古  
供養諸佛數 佛悉具說之 去來今現枉  
本末爲如是 復知鄙末世 及與一切人  
爲佛所授決 不復懷狐疑 開化度世間  
諸根之本末 於是一切地 日月尚可墮

佛口所可宣 終不有改變 佛出至誠言  
所演無有虛 授以遵覺道 成佛人中上  
如我志所願 嚴淨於佛土 所言亦如是  
悉知我心念 彼聞此教已 悅顏無猶豫  
所修行爲尊 欲度衆生故 如我之所行  
當復增無量 嚴治其本際 我身奉淨行  
興發行得佛 不從懈怠致 勤力無怯弱  
由從精進至 堪任所布施 受我以道意  
未曾捨精進 至大哀如來 爲以諸衆生  
本末爲如是 吾當悉開化 得佛度異學

寶髻菩薩說此偈時七萬二千人皆發無上正真道  
意悉願生彼離垢光世界同時發聲俱說是言寶成  
如來得佛時普令吾等生彼佛土佛皆記說當生其  
國爾時世尊告賢者阿難受是經典持諷誦說廣爲  
衆人宣傳其旨殷勤助是經典要天上世間之所歸  
伏而共供養所以者何其聞此經我悉授決其不信  
者本宿德薄其受是經德本非凡趣聞此經世世值  
佛何況聞持而奉行說功勳無限族姓子族姓女若  
以七寶滿此三千大千世界隨時布施如是比類於  
百千歲其聞此經歡喜信持功德踰彼阿難白佛此

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經名何云何奉持佛言名曰菩薩淨行寶髻所問當奉持之佛說如是寶髻及十方諸會菩薩賢者阿難天龍鬼神犍沓惄阿須倫世人聞佛所說莫不歡喜大寶積經卷第一百一十八

校讎 第一紙

十行念根宋南藏作意根第三紙

意力宋南藏作念力

第九

紙

十一行無宋南藏作心

第十三紙

十三行心宋南藏作志

第十六紙

七行申宋南藏作練第十七紙

十二行其無之宋南藏作耳

第二十一紙

音釋

蛆遂

蛆壯所切

娘也

蒲闊切

分

塵也

切

丹陽居士賀學烏絲刻此

大寶積經第一百一十八卷

恩江沙彌可震

新興王國英書潔水閣文泰刻萬曆丙午仲秋過山房齋宿寺錄

大寶積經卷第一百一十九

唐三藏法師菩提流志奉詔譯

勝鬘夫人會第四十八

如是我聞一時佛在舍衛國祇樹給孤獨園時憍薩羅波斯匿王及末利夫人初證法已共相謂言我女勝鬘慈晤聰愍多聞智慧若見如來於甚深法速能解了無諸疑惑我今應當令善諭者發其誠信作是議已王及夫人卽便作書稱揚如來真實功德時遣一使名真提羅奉持王書詣無鬪城授勝鬘夫人時勝鬘夫人發書尋繹頂受欣慶生希有心向真提羅

1 2 3 4 5 6 7 8 9 20 1 2 3 4 5 6 7 8 9 20

而說偈言

我聞如來聲 世間頗難遇 斯言若真實  
當賜汝衣服 若彼佛世尊 爲利世間現  
必應見哀愍 令我覩真相 言念須臾頃  
佛於虛空中 現不思議身 普放大光明  
勝鬘及眷屬 皆悉來集會 合掌瞻仰禮  
稱讚大導師 如來妙色身 世間無與等  
無比不思議 是故今敬禮 如來色無盡  
智慧亦復然 一切法常住 是故我歸依  
善調心過惡 及與身四種 到不思議地  
故我今敬禮 知諸爾炎法 智身無罣礙  
於法無忘失 故我今敬禮 稽首過稱量  
稽首無倫等 稽首法自枉 稽首超思惟  
哀愍覆護我 令法種增長 達及最後身  
常在如來前 我所修福業 此世及餘生  
由斯善根力 願佛恒攝受

時勝鬘夫人說此偈已及諸眷屬一切大眾頂禮佛  
足爾時世尊卽爲勝鬘而說偈言

我昔爲菩提 曾已開示汝 今復值遇我  
及來世亦然

說此偈已卽於會中授勝鬘夫人阿耨多羅三藐三  
菩提記汝今稱歎如來殊勝功德以此善根當於無  
量阿僧祇劫天人之中爲自在王諸所受用皆悉具  
足所生之處常得遇我現前稱歎如今無異復當供  
養無量無數諸佛世尊過二萬阿僧祇劫當得作佛  
號曰普光如來應正等覺彼佛國土無諸惡趣衰老  
病苦亦無不善惡業道名其中衆生形色端嚴具五  
妙境純受快樂蔽於他化自在諸天彼諸衆生皆趣  
大乘諸有如是學大乘者悉來生彼時勝鬘夫人得  
授記已無量天人心懷踊躍咸願往生彼佛世界是  
時世尊皆與授記當生彼國時勝鬘夫人聞佛記已  
於如來前合掌而立發十弘誓作如是言世尊我從  
今日乃至菩提於所受戒不起犯心世尊我從今日  
乃至菩提於諸師長不起慢心世尊我從今日乃至  
菩提於諸衆生不起憚心世尊我從今日乃至菩提  
於諸勝已及諸勝事不起妬心世尊我從今日乃至  
菩提雖有少食不起慳心世尊我從今日乃至菩提  
不自爲已受畜財物凡有所受爲濟貧苦有情之類  
世尊我從今日乃至菩提不求恩報行四攝事無貪  
利心無厭足心無限礙心攝受衆生世尊我從今日

乃至菩提見諸衆生無有依怙幽繫疾惱種種危厄  
終不捨離必願安隱以善饒益令免衆苦世尊我從  
今日乃至菩提若見一切諸惡律儀毀犯如來清淨  
禁戒凡我所攝城邑聚落應調伏者而調伏之應攝  
受者而攝受之何以故以調伏攝受故則正法久住  
正法久住故天人充滿惡道減少能令如來法輪常  
轉世尊我從今日乃至菩提攝受正法終不忘失何  
以故忘失正法則忘大乘忘失大乘則忘波羅蜜忘  
波羅蜜者則捨大乘若諸菩薩有於大乘不決定者  
攝受正法則不堅固便不堪任超凡夫境則爲大失  
世尊現在未來攝受正法諸菩薩等具足無邊廣大  
利益發斯弘誓聖主世尊雖復證知而諸有情善根  
微薄或起疑網以十弘誓難成就故彼或長夜習不  
善法受諸苦惱爲欲利益如斯衆生今於佛前發誠  
實誓世尊我今發此十弘誓願若實不虛於大衆上  
當雨天華出天妙音勝鬘夫人於如來前作斯言已  
時虛空中卽雨天華出天妙音歎言善哉勝鬘夫人  
如汝所說真實無異爾時衆會旣覩斯瑞無諸疑惑  
生大歡喜同聲唱言願與勝鬘夫人所生之處同其  
願行時佛世尊悉記大衆如其所願爾時勝鬘夫人

復於佛前發三弘願以茲願力利益無邊諸有情類  
第一願者以我善根於一切生得正法智第二願者  
若我所生得正智已爲諸衆生演說無倦第三願者  
我爲攝受護持正法於所生身不憚軀命爾時世尊  
聞斯願已告勝鬘言如一切色悉入空界如是菩薩  
恒沙諸願悉入茲願此三願者真實廣大爾時勝鬘  
夫人復白佛言世尊今當承佛威神辯才之力欲說  
大願幸坐聽許佛言勝鬘恣汝所說勝鬘夫人言菩  
薩所有恒沙諸願一切皆入一大願中一大願者所  
謂攝受如來正法如是攝受正法真實廣大佛言善  
哉勝鬘汝久修習智慧方便甚深微妙有能解了汝  
所說義彼於長夜值諸善本如汝所說攝受正法皆  
是過去未來現在諸佛已說今說當說我得無上正  
等菩提亦復常以種種相說攝受正法如是稱揚攝  
受正法所有功德無有邊際如來智慧亦無邊際何  
以故是攝受正法有大功德有大利益時勝鬘夫人  
復白佛言世尊我當承佛威神之力更復演說攝受  
正法廣大之義佛言聽汝所說勝鬘夫人言攝受正  
法廣大義者爲得無量一切佛法乃至能攝八萬行  
蘊譬如劫初興諸色雲雨衆寶雨如是攝受正法善

經  
卷一百一  
根之雲能雨無量福報之雨世尊又如劫初大水之中能生三千大千界藏及四百億種種類洲如是攝受正法出生大乘無量界藏并諸菩薩神通之力種種法門一切世間及出世間安樂具足一切天人所未曾有又如大地荷四重擔何等爲四一者大海二者諸山三者艸木四者衆生如是攝受正法諸善男子及善女人堪能荷負四種重任逾彼大地何等爲四謂離善友無聞非法諸有情類以人天善根而成熟之求聲聞者授聲聞乘求獨覺者授獨覺乘求大乘者授以大乘是名攝受正法諸善男子及善女人堪能荷負四種重任逾彼大地世尊如是攝受正法善男子善女人等建立大地堪能荷負四種重任普爲衆生作不請友大悲利益哀愍有情爲世法母又如大地是四種寶所生之處何等爲四一者無價二者上價二者中價四者下價如是攝受正法善男子善女人建立大地有情遇已獲四大寶一切寶中最爲殊勝何等爲四謂諸有情遇斯善友或有獲得人天善根有證聲聞及第支佛或無上乘善根功德是名攝受正法善男子善女人建立大地有情遇已便能獲得四種大寶世尊出大寶者名爲真實攝受正

法世尊言攝受正法者謂無異正法無異攝受正法  
正法卽是攝受正法世尊無異波羅蜜無異攝受正  
法攝受正法卽是波羅蜜何以故攝受正法善男子  
善女人應以施成熟者以施成熟乃至捨身隨順彼  
意而成熟之令彼有情安住正法是名施波羅蜜應  
以戒成熟者守護六根淨身語意乃至威儀隨順彼  
意而成熟之令彼有情安住正法是名戒波羅蜜應  
以忍成熟者若彼有情罵詈毀辱誹謗擾亂以無恚  
心及利益心竄上忍力乃至顏色亦不變異隨順彼  
意而成熟之令彼有情安住正法是名忍波羅蜜應  
以精進而成熟者於彼有情不起懈怠下劣之心起  
大樂欲竄上精進於四威儀隨順彼意而成熟之令  
彼有情安住正法是名精進波羅蜜應以靜慮而成  
熟者於彼有情以無散亂成熟正念曾所作事終不  
忘失隨順彼意而成熟之令彼有情安住正法是名  
靜慮波羅蜜應以智慧而成熟者彼諸有情爲利益  
故問諸法義以無倦心而爲演說一切諸論一切明  
處乃至種種工巧之處令得究竟隨順彼意而成熟  
之令彼有情安住正法是名智慧波羅蜜是故世尊  
無異波羅蜜無異攝受正法攝受正法卽是波羅蜜

時勝鬘夫人復白佛言世尊我今承佛威神辯才之力復說大義佛言云何大義世尊攝受正法者無異攝受正法無異攝受正法者攝受正法善男子善女人則是攝受正法何以故若攝受正法善男子善女人爲正法故捨身命財如是人等以捨身故證生人後際遠離老病得不壞常無有變易究竟寂靜不可思議如來法身以捨命故證生人後際永離於人得無邊常成就不可思議諸善功德安住一切佛法神變以捨財故證生人後際超過有情無盡無減果報圓滿具不可思議功德莊嚴爲諸有情尊重供養世尊比丘尼優婆塞優婆夷互相朋黨起諸諍訟以不詭曲不欺詎心愛樂正法攝受正法入善朋中入善朋者必爲諸佛之所授記世尊我見攝受正法有斯大力如來以此爲眼爲法根本爲引導法爲通達法爾時世尊聞勝鬘夫人所說攝受正法有大威力歎言如是如是善哉勝鬘如汝所說攝受正法大威德力如大力士微觸末摩生大苦痛更增重病如是勝鬘假令少分攝受正法令魔波旬痛切愁惱悲號歎息

亦復如是勝鬘我常不見餘一善法令魔愁惱猶如  
少分攝受正法勝鬘譬如牛王形色端正身量殊特  
蔽於諸牛如是勝鬘修大乘者設令少分攝受正法  
卽能蔽於聲聞獨覺一切善法勝鬘又如須彌山王  
高廣嚴麗蔽於衆山如是勝鬘初趣大乘以饒益心  
不顧身命攝受正法便能超過顧其身命久住大乘  
一切善根是故勝鬘當以攝受正法開示教化一切  
有情如是勝鬘攝受正法獲大福利及大果報勝鬘  
我於無數阿僧祇劫稱讚如是攝受正法所有功德  
不得邊際是故攝受正法成就如是無量功德佛告  
勝鬘汝今復應演我所說攝受正法一切諸佛共所  
愛樂勝鬘白言善哉世尊攝受正法者則名大乘何  
以故大乘者出生一切聲聞獨覺世出世間所有善  
法如阿耨達池出八大河如是大乘出生一切聲聞  
獨覺世出世間所有善法世尊又如一切種子草木  
叢林皆依大地而得生長如是一切聲聞獨覺世出  
世間所有善法皆依大乘而得生長是故世尊住於  
大乘攝受大乘卽住攝受聲聞獨覺世出世間所有  
善法如佛世尊所說六處謂正法住正法滅別解脫  
毗奈耶正出家受具足爲大乘故說此六處所以者

何正法住者爲大乘說大乘住者卽正法住正法滅者爲大乘說大乘滅者卽正法滅別解脫毗奈耶此之二法義一名異毗奈耶者卽大乘學所以者何爲佛出家而受具足是故大乘戒蘊是毗奈耶是正出家是受具足世尊阿羅漢者無有出家及受具足何以故阿羅漢不爲如來出家受具足故阿羅漢有怖畏想歸依如來何以故阿羅漢於一切行住怖畏想如人執劍欲來害已是故阿羅漢不證出離究竟安樂世尊依不求依如諸衆生無有歸依彼恐怖爲安隱故求於歸依世尊如是阿羅漢有恐怖故歸依如來是故阿羅漢及辟支佛生法有餘梵行未立所作未辦當有所斷未究竟故去涅槃遠何以故唯有如來應正等覺證得涅槃成就無量不可思議一切功德所應斷者皆悉已斷究竟清淨爲諸有情之所瞻仰超過二乘菩薩境界阿羅漢等則不如是言得涅槃佛之方便是故阿羅漢等去涅槃遠世尊說阿羅漢及辟支佛觀察解脫四智究竟得蘇息者皆是如來隨他意語不了義說何以故有二種汝何等爲二者分段二者變易分段汝者謂相續有情變易死者謂阿羅漢及辟支佛自在菩薩隨意生身乃至

菩提二種死中以分段故說阿羅漢及辟支佛生於  
我生已盡之智由能證得有餘果故生於梵行已立  
之智一切愚夫所不能作七種學人未能成辦相續  
煩惱究竟斷故生於所作已辦之智世尊說生不受  
後有智者謂阿羅漢及辟支佛不能斷於一切煩惱  
不了一切受生之智何以故是阿羅漢及辟支佛有  
餘煩惱不斷盡故不能了知一切受生煩惱有二謂  
住地煩惱及起煩惱住地有四何等爲四謂見一處  
住地欲愛住地色愛住地有愛住地世尊此四住地  
能生一切徧起煩惱起煩惱者刹那刹那與心相應  
世尊無明住地無始時來心不相應世尊四住地力  
能作徧起煩惱所依比無明地算數譬喻所不能及  
世尊如是無明住地於有愛住地其力最大譬如魔  
王色力威德及衆眷屬蔽於他化自在諸天如是無  
明住地蔽四住地過恒沙數煩惱所依亦令四種煩  
惱久住聲聞獨覺智不能斷唯有如來智所能斷世  
尊如是如是無明住地其力最大世尊如取爲緣有  
漏業因而生三有如是無明住地爲緣無漏業因能  
生阿羅漢及辟支佛大力菩薩隨意生身此之三地  
隨意生身及無漏業皆以無明住地爲所依處彼雖

有緣亦能爲緣世尊是故三種隨意生身及無漏業  
皆以無明住地爲緣同於有愛世尊有愛住地不與  
無明住地業同無明住地異四住地異四住地唯佛  
能斷何以故阿羅漢辟支佛斷四住地於漏盡力不  
得自在不能現證何以故世尊言漏盡之增語是故  
阿羅漢辟支佛及僧行有諸菩薩等爲無明地所覆  
蔽故於彼彼法不知不見以不知見於彼彼法應斷  
不斷應盡不盡於彼彼法不斷不盡故得有餘解脫  
非一切解脫得有餘清淨非一切清淨得有餘功德  
非一切功德世尊以得有餘解脫非一切解脫乃至  
有餘功德非一切功德故知有餘苦斷有餘集證有  
餘減修有餘道爾時勝鬘夫人復白佛言世尊若復  
知有餘苦斷有餘集證有餘減修有餘道是名少分  
減度證少分涅槃向涅槃界若知一切苦斷一切集  
證一切減修一切道彼於無常敗壞世間得證常寂  
清涼涅槃世尊彼於無護無依世間爲護爲依何以  
故於諸法中見高下者不證涅槃智平等者解脫等  
者清淨等者乃證涅槃是故涅槃名等一味云何一  
味謂解脫味世尊若無明地不斷不盡不得涅槃一味  
等味何以故無明住地不斷不盡故過恒沙等一

切過法應斷不斷應盡不盡過恒沙等一切過法不斷不盡故過恒沙等諸功德法不了不證是故無明住地與於一切所應斷法諸隨煩惱爲生處故從於彼生障心煩惱障止煩惱障觀煩惱障靜慮煩惱如是乃至障三摩鉢底加行智果證力無畏所有過恒沙等一切煩惱如來菩提佛金剛智之所能斷諸起煩惱一切皆依無明住地爲因緣故世尊此起煩惱刹那刹那與心相應世尊無明住地從無一切來心不相應世尊若復過恒河沙如來菩提佛金剛智所應斷法一切皆是無明住地依持建立譬如一切種子叢林皆依大地之所生長若地壞者彼亦隨壞如是過恒沙等如來菩提佛金剛智所應斷法一切皆依無明住地之所生長若彼無明住地斷者過恒沙等如來菩提佛金剛智所應斷法皆亦隨斷如是過恒沙等所應斷法一切煩惱及起煩惱皆已斷故便能證得過恒沙等不可思議諸佛之法於一切法而能證得無礙神通得諸智見離一切過得諸功德爲大法王於法自在證一切法自在之地正師子吼我生已盡梵行已立所作已辦不受後有是故世尊以師子吼依於了義一向記說世尊不受後有

智有二種何謂爲二一者謂諸如來以調御力摧伏  
四魔超諸世間一切有情之所瞻仰證不思議清淨  
法身於所知地得法自在最勝無上更無所作不見  
更有所證之地具足十力登於最勝無畏之地於一  
切法無礙觀察正師子吼不受後有二者謂阿羅漢  
及辟支佛得度無量生眾怖畏受解脫樂作如是念  
我今已離生眾怖畏不受諸苦世尊阿羅漢辟支佛  
如是觀察謂不受後有不證第一蘇息涅槃彼等於  
未證地不遇法故能自解了我今證得有餘依地決  
定當證阿耨多羅三藐三菩提何以故聲聞獨覺皆  
入大乘而大乘者卽是佛乘是故三乘卽是一乘證  
一乘者得阿耨多羅三藐三菩提阿耨多羅三藐三  
菩提者卽是涅槃言涅槃者卽是如來清淨法身證  
法身者卽是一乘無異如來無異法身言如來者卽  
是法身證究竟法身者卽究竟一乘究竟一乘者卽  
離相續何以故世尊如來住時無有限量等於後際  
如來能以無限大悲無限誓願利益世間作是說者  
是名善說若復說言如來是常是無盡法一切世間  
究竟依者亦名善說是故能於無護世間無依世間  
與等後際作無盡歸依常住歸依究竟歸依者謂如

來應正等覺法者是一乘道僧者是三乘衆此二歸依非究竟依名少分依何以故說一乘道證究竟法身於後更無說一乘道三乘衆者有恐怖故歸依如來求出修學有所作故向阿耨多羅三藐三菩提故二依非究竟依是有限依若諸有情如來調伏歸依如來得法津潤由信樂心歸依於法及比丘僧是二歸依由法津潤信入歸依如來者非法津潤信入歸依言如來者是真實依此二歸依以真實義卽名究竟歸依如來何以故如來不異此二歸依是故如來卽三歸依何以故說一乘道如來最勝具四無畏正是大乘以第一義無有二乘二乘者同入一乘一乘者卽勝義乘世尊聲聞獨覺初證聖諦非以一智斷諸住地亦非一智證四徧知諸功德等亦非以法能善了知此四法義世尊於出世智無有四智漸至漸緣世尊出世間智無漸至法如金剛喻世尊聲聞獨覺以於種種聖諦之智斷諸住地無有出世第一義智唯有如來應正徧知非諸聲聞獨覺境界以不思議空性之智能破一切諸煩惱殼世尊破煩惱殼究竟之智是名出世第一義智初聖諦智非究竟智是

於趣向阿耨多羅三藐三菩提智世尊真聖義者卽非二乘何以故聲聞獨覺唯能成就少分功德名之爲聖世尊言聖諦者非諸聲聞獨覺之諦及彼功德而此諦者唯有如來應正等覺始了知然後爲彼無明殼藏世間衆生開示演說故名聖諦世尊此聖諦者甚深微妙難見難了不可分別非思量境一切世間所不能信唯有如來應正等覺之所能知何以故此說甚深如來之藏如來藏者是佛境界非諸聲聞獨覺所行於如來藏說聖諦義此如來藏甚深微妙所說聖諦亦復深妙難見難了不可分別非思量境一切世間所不能信唯有如來應正等覺之所能知若於無量煩惱所纏如來之藏不疑惑者於出一切煩惱之藏如來法身亦無疑惑世尊若有於此如來之藏及佛法身不可思議佛祕密境心得究竟於彼所說二聖諦義能信能了能生勝解何等名爲二聖諦義所謂有作及以無作作聖諦者是不圓滿四聖諦義何以故由他護故而不能得知一切苦斷一切集證一切滅修一切道是故不知有爲無爲及於涅槃世尊無作諦者是說圓滿四聖諦義何以故能自護故知一切苦斷一切集證一切滅修一切道如

1 2 3 4 5 6 7 8 9 20 1 2 3 4 5 6 7 8 9 20

是所說八聖諦義如來但以四聖諦說於此無作四  
 聖諦義唯有如來應正等覺作事究竟非阿羅漢及  
 辟支佛力所能及何以故非諸勝劣下中上法能證  
 涅槃云何如來於無作諦得事究竟謂諸如來應正  
 等覺徧知諸苦斷諸煩惱及起煩惱所攝苦集能證  
 一切意生身蘊所有苦滅及修一切苦滅之道世尊  
 非壞法故名爲苦滅何以故言苦滅者無始無作無  
 起無盡常住不動本性清淨出煩惱殼世尊如來成  
 就過於恒沙具解脫智不思議法說名法身世尊如  
 是法身不離煩惱名如來藏世尊如來藏者即是如  
 來空性之智如來藏者一切聲聞獨覺所未曾見亦  
 未曾得唯佛了知及能作證世尊此如來藏空性之  
 智復有二種何等爲二謂空如來藏所謂離於不解  
 脫智一切煩惱世尊不空如來藏具過恒沙佛解脫  
 智不思議法世尊此二空智諸大聲聞由信能入世  
 尊如是一切聲聞獨覺所未曾見亦未曾證一切苦  
 滅唯佛現證壞諸煩惱修苦滅道世尊此四諦中三  
 諦無常一諦是常何以故如是三諦入有爲相有爲  
 相者則是無常言無常者是破壞法破壞法者非諦

1

1 2 3 4 5 6 7 8 9 20 1 2 3 4 5 6 7 8 9 20

1

1

1

1

1

1

非常非歸依處是故三諦以第一義非諦非常非歸依處世尊一苦滅諦離有爲相離有爲相則性常住性常住者非破壞法非破壞者是諦是常是歸依處世尊是故苦滅聖諦以勝義故是諦是常是歸依處世尊此苦滅諦是不思議過諸有情心識境界亦非一切聲聞獨覺智所能及譬如生盲不見衆色七日嬰兒不見日輪苦滅諦者亦復如是非諸凡夫心識所緣亦非一切聲聞獨覺智之境界凡夫識者謂二邊見一切聲聞獨覺智者名爲淨智言邊見者於五取蘊執著爲我生異分別邊見有二何者爲二所謂常見及以斷見世尊若復有見生死無常涅槃是常非斷常見是名正見何以故諸計度者見身諸根受者思者現法滅壞於有相續不能了知首無慧目起於斷見於心相續刹那滅壞愚闇不了意識境界起於常見世尊然彼彼義過諸分別及下劣見由諸愚夫妄生異想顛倒執著謂斷謂常世尊顛倒有情於五取蘊無常常想苦爲樂想無我我想不淨淨想聲聞獨覺所有淨智於如來境及佛法身所未曾見或有衆生信如來故於如來所起於常想樂想我想及於淨想非顛倒見卽是正見何以故如來法身是常

1 2 3 4 5 6 7 8 9 20 1 2 3 4 5 6 7 8 9 20

波羅蜜樂波羅蜜我波羅蜜淨波羅蜜若諸有情作  
如是見是名正見若正見者名真佛子從佛口生從  
正法生從法化生得佛法分世尊言淨智者則是一  
切聲聞獨覺智波羅蜜此之淨智於苦滅諦尚非境  
界況苦滅諦是四入流智之所行何以故三乘初業  
不愚法者能於彼義當證當了世尊爲何義故說四  
入流世尊此四入流是世間法世尊唯一入流於諸  
入流爲最爲上以第一義是爲入流是爲歸依是苦  
滅諦世尊生死者依如來藏以如來藏故說前際不  
可了知世尊有如來藏故得有生死是名善說世尊  
生死者諸受根滅無間相續未受根起名爲生死世  
尊生死二法是如來藏於世俗法名爲生死世尊死  
者諸受根滅生者諸受根起如來藏者則不生不死  
不昇不墜離有爲相世尊如來藏者常恒不壞是故  
世尊如來藏者與不離解脫智藏是依是持是爲建  
立亦與外離不解脫智諸有爲法依持建立世尊若  
無如來藏者應無眾苦樂求涅槃何以故於此六識  
及以所知如是七法利那不住不受衆苦不堪眾離  
願求涅槃如來藏者無有前際無生無滅法受諸苦  
彼爲眾苦願求涅槃世尊如來藏者非有我人衆生

1 2 3 4 5 6 7 8 9 20 1 2 3 4 5 6 7 8 9 20

壽者如來藏者身見有情顛倒有情空見有情非所  
 行境世尊如來藏者是法界藏是法身藏出世間藏  
 性清淨藏此本性淨如來藏者如我所解縱爲客塵  
 煩惱所染猶是不可思議如來境界何以故世尊刹  
 那刹那善不善心客塵煩惱所不能染何以故煩惱  
 不觸心心不觸煩惱云何不觸法而能得染心世尊  
 由有煩惱有隨染心隨煩惱染難解難了唯佛世尊  
 爲眼爲智爲法根本爲尊爲導爲正法依如實知見  
 爾時世尊歎勝鬘夫人言善哉善哉如汝所說性清  
 淨心隨煩惱染難可了知復次勝鬘有二種法難可  
 了知何等爲二謂性清淨心難可了知彼心爲煩惱  
 染亦難了知如此二法汝及成就大法菩薩乃能聽  
 受諸餘聲聞由信能解勝鬘若我弟子增上信者隨  
 順法智於此法中而得究竟順法智者觀根識境觀  
 察業報觀羅漢眠觀心自在愛樂禪樂觀聲聞獨覺  
 聖神變通由成就此五善巧觀現在未來聲聞弟子  
 因增上信隨順法智善能解了性清淨心煩惱所染  
 而得究竟勝鬘是究竟者爲大乘因汝今當知信如  
 來者於甚深法不生詐謗爾時勝鬘夫人白佛言世  
 尊復有餘義能多利益我當承佛威神之力演說斯

事佛言善哉今恣汝說勝鬘夫人言有三種善男子  
善女人於甚深法離自毀傷生多功德入大乘道何  
等爲三若善男子善女人等能自成就甚深法智或  
有成就隨順法智或有於此甚深法中不能解了仰  
推如來唯佛所知非我境界除此三種善男子善女  
人已諸餘有情於甚深法隨已所取執著妄說違背  
正法習諸外道腐敗種子設在餘方應往除滅彼腐  
敗者一切天人應共摧伏勝鬘夫人說是語已與諸  
眷屬頂禮佛足時佛世尊讚言善哉勝鬘於甚深法  
方便守護降伏怨敵善能通達汝已親近百千俱  
諸佛如來能說此義爾時世尊放勝光明普照大衆  
身昇虛空高七多羅量以神通力足步虛空還舍衛  
城時勝鬘夫人與諸眷屬瞻仰世尊目不暫捨過眼  
境已歡喜踊躍遙共稱歎如來功德一心念佛還無  
大乘友稱大王亦以大乘化諸男子七歲已上舉國  
鬪城勸友稱王建立大乘城中女人七歲已上化以  
念天帝時天帝釋與諸眷屬應念而至住於佛前爾  
時世尊告帝釋言憍尸迦汝當受持此經演說開示  
爲三十三天得安樂故復告阿難汝亦受持爲諸四

1 2 3 4 5 6 7 8 9 20 1 2 3 4 5 6 7 8 9 20

衆分別演說時天帝釋白佛言世尊當何名斯經云  
 何奉持佛告天帝此經成就無邊功德一切聲聞獨  
 覺力不能及況餘有情憍尸迦當知此經甚深微妙  
 大功德聚今當爲汝略說其名諦聽諦聽善思念之  
 時天帝釋及尊者阿難白言善哉世尊唯然受教佛  
 言此經讚歎如來真實功德應如是持說不思議十  
 種弘誓應如是持以一大願攝一切願應如是持說  
 不思議攝受正法應如是持說入一乘應如是持說  
 無邊諦應如是持說如來藏應如是持說佛法身應  
 如是持說空性義隱覆真實應如是持說一諦義應  
 如是持說常住不動寂靜一依應如是持說顛倒真  
 實應如是持說自性清淨心煩惱隱覆應如是持說  
 如來真子應如是持說勝鬘夫人正師子吼應如是  
 持復次憍尸迦此經所說斷一切疑決定了義入一  
 乘道憍尸迦今以所說勝鬘夫人師子吼經付囑於  
 汝乃至法住於十方界開示演說天帝釋言善哉世  
 尊唯然受教時天帝釋尊者阿難及諸大會天人阿  
 修羅犍闍婆等聞佛所說皆大歡喜信受奉行

# 大寶積經卷第一百一十九

校譌

1 2 3 4 5 6 7 8 9 20 1 2 3 4 5 6 7 8 9 20

# 第二紙

十七行五  
南藏作天

# 第七紙

七行以無宋  
南藏作而無

# 第十五紙

五行於出之  
出南藏作住

## 音釋

晤

五故切  
明也

繹

夷益切  
尋究之也

雨衆寶雨

上兩王遇  
切下雨如

轂

字克角  
切

遍

大計切  
更迭也

册

唐

真玉國英書  
建陽鄒大成刻

萬

賀學仁施賈刻此  
大寶積經第一百十九卷  
沙彌可震對  
萬曆丙申仲夏經山興聖萬壽禪寺識

## 大寶積經卷第一百一十

唐三藏法師菩提流志奉詔譯

## 廣博仙人會第四十九

如是我聞一時佛在無鬪戰城恒河岸上時有無量諸比丘眾尊者阿難摩訶迦葉舍利弗薄拘羅離婆多阿若憍陳如等所作已辦離諸塵染諸漏已盡不復退轉禪誦經行無覺懈息或如羣鹿遊止寂靜或在林間常處禪定安住如來光明教門調伏諸根得無所畏時娑羅雞林枝葉繁茂香華布地拘枳羅鳥迦陵伽鳥鵝王羣蜂棲集和鳴能令衆生離諸昏墮

爾時如來告諸比丘汝等應當勤作所作以於戒儀而自蔭覆是時西方忽然爛耀如日輪光尊者阿難未離欲故白言世尊今此光明是何之相佛言阿難是五通仙最勝上者黑香之子名曰廣博節食羸瘦身無光潤與其同行五百人俱所謂不白仙人天人仙人苦波野那仙人母茶野那仙人迦摩野那仙人迷佞性那斯仙人疑味仙人度羅仙人等前後圍達當來詣我爾時廣博仙人遙覩世尊身意寂靜處在林藪爲諸比丘之所侍衛卽自思惟奇哉尊貴一切智處色相具足捨去羣臣轉輪王位六萬妓女如棄毒食苦行山林離諸欲樂名稱普聞誠不虛也時彼衆中有一仙人字那刺陀遙瞻如來心生歡喜卽說頌曰

瞻彼青華樹林下猶紫金聚者何人

彌樓妙寶流焰光亦如秋月無氛翳

爾時諸仙皆懷悅豫合掌恭敬漸詣佛所於時世尊告諸比丘汝等觀彼闍浮洲中諸仙人等蓬髮上靡樓止林莽塗灰却粒或月半月節食羸瘦鹿皮樹皮以充衣服不剪髮爪蹲處露地或如煙炭黑蜂之色咒術祭火以爲吉祥空地樹下隨處而居或墜高巖

1 2 3 4 5 6 7 8 9 20 1 2 3 4 5 6 7 8 9 20

或投深水炎火赫日炙身苦體恃其種姓離無上智比丘當知此諸仙人見不清淨耽著諸有輪迴生死不能出離時諸比丘聞佛世尊作是說已同聲白言我等今者由依如來勤修梵行於諸有中永當出離爾時廣博仙人與其同類漸至佛所覩諸羅漢威德尊嚴內懷傾悚曲躬低視各結散髮身佩白繩顏容黑闇兩目黃綠頭髮枯燥執三距木身形卑陋或行虛空或談俗典至如來前白言世尊今此衆會願佛知時佛言廣博我已了知諸有受生及於自性時阿難陀白言世尊此何仙人衆所圍達詞慧通敏頂髮上靡佛言阿難此是廣博作圍陀典奉持習行賒羯羅教造諸種種世俗文字爾時諸羅漢等共相謂言而此仙人有何所得苦行如是於生死中而不解脫復自思惟此仙人衆今來佛所當何所問爲因緣耶爲無我耶爾時廣博仙人合掌向佛白言世尊佛出現難衆會亦難我於今者有少疑問願坐哀愍佛言大仙恣汝所問當爲解說廣博仙言云何爲施何者施義云何施主施主何義云何施者不名施主云何施主不名施者云何行施於受施者而獲福報云何施已若現在世若命終後施福隨行爲積爲聚世尊

123456789201234567893456789

如來滅後供養塔廟誰爲受者獲於福報佛言大仙汝今所問甚爲希有爲欲覺悟新發意者時舍利弗在於衆中髮白面皺以其右手擡眉顧視久而言曰我昔曾聞廣博仙人世所稱讚云何今者不知言問如小童子云何不問因緣無我深妙之義而乃問於施之果報尊者阿難前禮佛足白言世尊彼之仙人於施貪著我願爲彼解說施義佛言阿難若問如來聲聞答者非如來教時舍利弗復白佛言今此仙人有彼彼疑我願解說佛言不爾汝於聲聞竚爲上首若於我前有所解說令諸衆生墮於惡趣謗云如來非決定智或云如來覺性了已猶有我慢爾時諸比丘聞佛世尊作是說已生淨信心白言世尊廣博仙人有所疑問願爲除斷爾時佛告廣博仙言汝今諦聽施之果報及業差別若諸受者能令施主生於果報是爲施義若有衆生發清淨心以已財寶令執事人隨所施者其財寶主名爲施主其執事人名爲施者若復有人自持已物淨心施者得爲施主亦名施者復次大仙三十二種不淨之施汝今諦聽若復有人倒見施者不名淨施因報恩者不名淨施不哀愍者不名淨施爲色欲者不名淨施若施火中不名淨

施擲水中者不名淨施恐怖施者不名淨施施五家  
者不名淨施以毒施者不名淨施施刀仗者不名淨  
施殺害施者不名淨施爲攝他故不名淨施爲稱譽  
者不名淨施爲娼妓者不名淨施因占相者不名淨  
施求飾好者不名淨施結朋友者不名淨施於莊宅  
中鳥獸來喫不歡欣者不名淨施學工巧者不名淨  
施因病施醫不名淨施先因打罵後施財物不名淨  
施若懷疑惑言我今施爲有報耶爲無報耶如此施  
者不名淨施若捨施已內懷熱惱慳懃悔恨不名淨  
施若言受者後當爲我作牛畜者不名淨施若言福  
報我自受者不名淨施若人少壯無淨信心後遭病  
苦或臨死路楚毒在身肢節分解閻羅使者調弄於  
前親屬平生悲泣相視如此之時方始施者不名淨  
施或有念言令餘城邑知我施者不名淨施若懷嫉  
妬增上施者不名淨施慕他豪族爲求婚姻持諸金  
銀繒綵之服而施與者不名淨施若求男女及餘襍  
緣而施與者不名淨施若有念言我於今施來世受  
報不名淨施見貧窮者不生哀愍翻持錢財施富貴  
人不名淨施或貪華果而施與者不名淨施善男子  
此三十二愛染之施猶如有人携持種子於荒穢田

隨所種植然彼種子依大地界遇天雨潤決定生芽  
至於華實少得收穫爾時廣博仙人復白佛言如何  
施與持戒毀戒而不滅壞佛言大仙若復有人淨信  
因果發歡喜心爲諸衆生無有悔惱亦不分別持戒  
破戒復次善男子有五種施名爲大施何者爲五一  
者時施二者道行之者三者病人及看病者四者說  
正法人五者詣他國者復有五種一者法施二者食  
施三者居住四者燈明五者香華廣博復言何等清  
淨佛言若發信心爲諸衆生內懷哀愍回向菩提偏  
淨解脫得爲清淨復有五種無上之施何者爲五一  
者施於如來其施無上二者施於衆僧其施無上三  
者施說法者其施無上四者施父其施無上五者施  
母其施無上復有施者名爲大施所謂失位國王名  
爲大施若爲縣官之所逼迫無所依怙及爲疾病之  
所痛惱施如此人名爲大施若爲王者所棄臨刑之  
時及餘命難捨已之命救於彼命名爲大施或於疾  
病之人施與醫藥亦名大施或於具戒衆僧以時而  
施亦名大施或施求智慧者亦名大施或於傷生之  
害蝦蟆蟲鳥及餘鳥獸而施與者亦名大施或於乏  
劣之者施令充足亦名大施若復有人勸他淨施及

能隨喜亦名大施復次大仙汝先所問於我滅後云  
何種植獲福報者善男子諸如來者皆是法身非是  
色身若復在世或復滅後所有供養福無有異如轉  
輪王於其大地唱如是言我之國界不應有人殺害  
衆生及於妄語其國之人雖未見王兼親侍衛但聞  
教勅即便遵奉王於是人必生歡喜是人由王不殺  
害故獲生天報其有違者墮於惡趣如是大仙雖有  
衆生見我色身不護其戒何所得耶如提婆達多雖  
遇於我猶墮地獄若復有人於來世中勤修我教則  
爲希有如見我身無有異也復次大仙如汝所問福  
德因緣爲積聚者如荻葦中因燒出焰而此光焰不  
可得言爲積爲聚如是施主積集資糧猶影隨形而  
無見者亦如蒲萄甘蔗未壓之時汁不可見彼於一  
節二節之中求汁積聚了無見者然於彼汁不從外  
得福德果報亦復如是不枉施主手中心中及於身  
中亦不相離亦如尼拘陀子未成熟時牙不可見譬  
於商人持少財物往詣大城有所貿易廣獲財利福  
報亦爾如蜂採華不損其色雲涵雨潤誰見積聚於  
其出生必自成辦爾時廣博仙人白言世尊施之差  
別我已了知云何此識住於身中有所愛著佛言大

1 2 3 4 5 6 7 8 9 20 1 2 3 4 5 6 7 8 9 20

仙猶如國王住於城中懼他軍來預作濠塹積聚糧貯教養戰士建諸旛旗調習醉象嚴誠兵衆唱言警備著於衣甲專情鬪戰執利刀仗露刃而住王福盡故他軍強盛遂卽滅壞如是識王住於身城見於六處無常侵害穿信濠塹被正念甲御醉法象調習意馬告六處云今有無常威力軍來宜應速疾被於施甲持於智刃辨慙愧弩安戒隄防時彼六處爲無常軍漸相逼迫爾時彼識如福盡王棄城而走別住城國廣博仙人復白佛言云何了知是福德城非福德城我當捨之佛言大仙猶如有人乘大舟船欲渡大海時遇風濤鼓湧飄蕩鼋鼈鯨鯢互爲喰害是人因船遂達彼岸旣得無畏達船三帀恭敬祭祀唱言善哉我由此船得渡大海如是大仙有福衆生命終之後作是思惟我今此身善趣天上所得人身爲不空過乘此身船度惡趣海善哉前生甚可恭敬若復有人墮惡趣者猶如渡海乘朽爛船於大海中或沉或浮搖颶傾覆是人殘命雖至岸上復遇師子虎狼充滿罵言咄哉此朽故船倒行大海令我怖畏見如此苦墮惡趣識亦復如是毀罵其身我徒養育遭此惡報我久於世擔負穢草如蠶作繭徒自纏縛如何令

我沉溺若此爾時彼識於第二身適住母胎纔七日  
中能作是念我從彼滅而來此生由善業者其心歡  
喜能令彼母有三種相所謂母面熙怡顏容端妙無  
諸軒驅右腳壓地倍重常時復以其手數摩右脇被  
白色衣增加姝麗造惡業識亦七日中作是憶念我  
從某城曾作某罪作是念已便生悲惱能令其母現  
諸惡相所謂身體臭穢羸瘦萎黃常懷悲愁數數變  
吐禍橫盈門災難逼迫饒諸疾病將產之時或損母  
命或復自歾爾時廣博仙人復白佛言世尊彼識初  
入胎時得何念慧佛言而此之識初入胎已見閻浮  
洲園苑樹林宮殿池沼徧滿莊飾親族聚會情極慕  
樂復以天慧光明隨念憶知無量百千彼彼生處彼  
是我母曾五百世生育於我作是念已生厭離心唱  
言咄哉於此世間生歾足矣劬勞諸有永願休息彼  
廣博仙人復白佛言世尊彼識既能如是厭離豈不  
出離生死中耶佛言不也大仙彼識無出離之相能  
得解脫無有是處而彼識界於生死中雖爾厭離能  
出離者不應受生若不爾者或有修福及於造罪一  
切皆應趣向涅槃如汝所言識思惟者是識增上非  
智增上所以者何識能分別智能了知識智和合乃

如汝說爾時世尊欲重宣此義而說偈言

能防諸怨賊 積集煩惱者 了智與無智

及慧共愚癡

見慢并無明

如是等一切

無有少離智

由識能了知

識智不相離

和合我常說

一輪不爲車

二輪亦不成

亦不由於餘

要假人與牛

并具於輻轄

二輶相資備

轅輶兼絡繩

爾乃得名車

身車亦如是

諸界和合生

諸根悉備具

由識能牽挽

肢節相綴連

筋脉恒徧滿

觸體皮髮覆

腸肺并心脾

肝腎衆和合

建立假爲身

識王處其中

非身爲調御

了知諸體性

是名智識俱

復次大仙此識微細不可色見無有諸根亦不相離

若諸丈夫有所怯弱或生恐怖或起尋思皆識增上

非智作用爾時廣博仙人復白佛言世尊云何觀察

一切衆生從地獄趣而來生者乃至天趣而來生者

何業差別生於天人傍生餓鬼及於地獄佛言大仙

衆生本性沒此生彼是佛境界非五通仙之所能知

亦非天人魔梵色究竟等并餘聲聞之所覺了大仙

若於我法獲離三垢得初果時所有境界尚非帝釋

1 2 3 4 5 6 7 8 9 20 1 2 3 4 5 6 7 8 9 20

那羅延天汝諸仙等之所能知爾時如來作是說已廣博仙人便自思惟此輪迴中聖智境界未曾會遇禮佛雙足白言世尊我於今者衰朽失念不能獲果無任負荷住持菩提歸依佛法及離垢僧我從今日與諸弟子及於眷屬歸佛法僧惟願世尊示教利喜以聖智日常住世間除煩惱翳善哉世尊願爲演說一切衆生從天墜者佛言諦聽今正是時若有衆生堅固成就施香華鬘此人必當生持鬟天臨終之時身發妙香及感鮮華而復自見種種色華來散其上或有見於樓閣宮殿懸諸鈴鐸襍華嚴飾百千天女而處其中命終之後見持鬟天父母和合如瞻部人便爲愛風飄入胎藏時彼天母懷妊七日於右脅下遂誕其子彼適生已於其胸前天悅意華自然爲鬟具七種色所謂白黑黃赤天紺紅蓮及如火銅光明炫耀香氣因風徧一由旬故號彼天謂爲持鬟宮中有樹其汁香美猶如甘露園苑果實有八上味大如頻螺彼天所食皆是甘果非餘搏食凡有饑想果自現樹所履之地無諸荆棘鮮華柔草周布清淨或有宮殿如白華聚或以黃金爲屋鵠吻彼之天女光容藻飾眺望軒檻相與娛樂其所壽命天二百年將終

歿時有二種相所居之樹其葉彫頸枝條垂下其華  
香氣自然隱沒所著華鬘忽然萎黃清涼之風變爲  
毒熱最勝天城棄捨而去時諸天女見此衰相圍遶  
悲號歎言咄哉何彼無常無少慈悲今於我等愛重  
之者制不由已將捨我等在於須臾時彼天子漸爲  
熱病之所逼迫徧體火現炎焰雖加而無熱惱心猶  
快樂從彼而沒人間受生在於胎中能令其母愛香  
華鬘及諸果實又於夢中常見城邑場肆嚴飾徧坐  
華纓亦旣生已形容光潤白服華鬘常所眷愛好遊  
親屬耽著欲樂情戀女人往來輕躁名衣上服及諸  
園林靡不貪樂見富貴者倍生喜悅復次大仙四天  
王天趣向之者若有衆生以憐愍心見貧窮者施於  
衣食及諸病人隨與醫藥或造井泉或施池沼其人  
將終形不羸瘦容色無變身無垢汙聲不斃破亦不  
遺瀝大小便利六塵充足諸根無損能見自身在天  
衆中命旣終已色如紅蓮口出妙香復有清風吹妙  
華香拂其身上於是彼識見四天界父母歡遊耽醉  
情欲時彼天父以其右手摩天母背卽於母脰而得  
受胎經七日已遂卽誕生天飾具足大仙當知四天  
王天所居之地縱廣八萬四千由旬黃金白銀雌黃

雄黃間錯莊飾百千天女充滿其中百千華果如人  
形像於彼園苑天摩尼光常所明照樹林枝莖莖劫  
波衣及妙繒綵其樹滑潤見者欣悅於其龕室常懸  
樂具簫笛之儔自然發聲彼天童子搏食爲力香美  
秝稻色如紅蓮味逾甘露其所食器具於二種一者  
金器二者銀器隨意所樂色香美味皆於中現復有  
天漿名爲華酒香冷殊特設有嗅者亦自然醉彼之  
天人各有寢殿名曰初秋徧坐華條金銀襍寶娑蘭  
雞樹數有百千合覆其上復有種種坐卧敷具六萬  
天女顏容殊妙被服光鮮其聲寥亮韻合天樂爲諸  
欲神之所造化歌舞倡妓言笑往來能令見者增其  
染愛其宮殿前樹以刹柱金銀間錯繒綵莊嚴懸諸  
寶幡隨風搖颺有四天王一曰持國二曰增長三曰  
廣目四曰多聞此四天王於彼天界吟嘯歌舞讌會  
嬉遊具足安樂時彼衆中諸天童子力藝殊勝見天  
妙身塗臂往來猶如醉象身香郁烈徧一由旬其所  
壽命天五百年無中夭者園苑林樹榮色光潔迦潭  
婆華而以莊嚴咸悉芬馥無諸臭穢四面階道襍寶  
所成百千天女常爲歌妓諸寶器中出妙音聲善男  
子彼等天人壽欲盡時有三種相一者身光隱沒二

者華無香氣三者不聞天女奏諸妓樂常所歡遊園  
林宮苑鳥聲和雅是喜好處皆不愛樂華鬢萎頓天  
女悲號衣生垢穢瞻視昔來欣翫之具復增悶絕身  
上汗流眼變枯燥如取水魚置夏日中熱惱所逼宛  
轉于地時諸女等見彼天男愁苦如此皆來圍遶同  
聲號哭唱言苦哉苦哉我所愛者奈何如是所好喜  
事翻爲愁苦今之云何捨我等輩及遊讌處時天女  
等以偈歎曰

種種妙莊嚴

仁者所遊讌

最上福德城

四面具樓閣

天女恒充滿

園林鎮榮茂

云何捨歡愛

苦哉此無常

爾時諸天女等說此偈已相視哽咽各以右手取諸  
襍華遙散其上復作是言仁者汝具福故當生人間  
彼是福地應以信心植諸善種爾時彼天見諸女等  
皆已背捨重增熱惱身心熾然如以蘇滴置炎鐵上  
欵自銷滅餘微灰燼復爲業風之所吹散如隣虛塵  
爲千億分更不可見於是彼識從天降下見受生處  
父母和合心懷喜悅便入胎藏纔處胎時母卽相現  
飲食增多不噉血肉樂著緋衣愛聚會處於諸親屬  
倍加眷念雖懷其子曾無痛惱日無流涎身不沉重

1 2 3 4 5 6 7 8 9 20 1 2 3 4 5 6 7 8 9 20

亦既生已人相端嚴其眼紺色如天青寶衆所樂見聞於上界四天王事自然欣悅常樂捨施愛妙香衣性好數食常喜歌舞園林女色靡不留戀復次大仙若有衆生以淨信心遠離殺害及於偷盜持諸飲食上妙資具衣服財寶而行捨施勤誠散華禮拜佛塔壽命盡時身無疾苦垢膩臭穢念所習業曾不忘失面如金色鼻不陷曲心不驚惱喉不閉塞亦無喘息不爲風刀之所解截聲不斃破寢膳安寧大仙當知如斯之人毒不能害飲食消化折傷夭枉皆所遠離其人命終以天識故見三十三天百千樓閣金摩竭

魚莊飾門柱地勝梅檀香水全灑其地柔潔白逾霜雪淨如頸珠黃檀香樹天寶燈燭襍錯行列天諸男女遊戲園林耽染狂醉旣覩斯已遂生歡樂猶如貫珠爲人將取入天母手以爲胎藏時母手掌因卽生華持示天父共相慶悅復以兩手摩接其華子卽誕孕時彼天母告天父曰我於今者誕一童子增長勝種便會親族以爲歡賀生滿七日天相具足憶念前生從某處滅今來生此某是我父某是我母曾修其善作是念時聳然歡欣便於諸欲而生癡愛於天界中宮苑園林自然了見貪喜愛著爾時童子坐臂脯

長猶如象鼻其胸峻實如師子臆腰腹圓細無有坐  
皺背脊端平無高下骨兩脰圓相如芭蕉莖肌肉光  
潔無諸駕軒無有形毛及襍臭穢上妙香氣從身流  
出華鬘纓絡天衣輕密不假外求自然被體時宮殿  
中所有天女無天男者見此童子共來圍遶咸作是  
言善來仁者此之宮殿皆是汝有我等諸女先無依  
怙願相侍從其中或云此輩盛年乳如金瓶面猶紅  
蓮此園苑中如是天樹拘毘羅林垂覆榮好六萬天  
女前後周備善哉仁者可與我等永以娛樂如雲中  
電不常而有或有宮殿簫鼓琵琶諸襍天樂自然發  
聲上妙敷具及師子座嚴飾珠纓垂以縉綵而諸縉  
綵非是繭蠶之所作者時彼童子覩斯珍飾如灌頂  
王昇座而坐既昇座已諸所珍玩咸出聲言此善業  
人從閻浮洲修天福故而來生此諸人應當來此承  
事歌舞娛樂令此福人歡喜無厭出此聲已園林宮  
殿六萬妓女捧持天華被服光耀身所發香如蒲萄  
酒密洒華酒聞其香者令人昏醉同聲唱言汝積天  
福願時充奉於是童子與群天女遊歡喜林及襍華  
林黃毯石林極光嚴林日宮園林苑泉聲園苑音樂  
園苑叢苑園苑遊如是上妙林苑悅樂清涼無諸

惡風華香芬馥青摩尼寶以爲燈明諸蜂鳥王出微妙音其鳥毛羽猶如襍寶天吠琉璃以爲其齒飛翔群嬉徧滿林樹復次大仙彼界有池隨月增減具八功德悅意無垢清冷澄澈百葉香華開敷其內岸樹行列襍華充徧而彼池中衆多天女遊戲娛樂諸寶器等隨意而現色香妙食名天甘露如拘摩華白逾珂雪甘香具足亦易消化無諸苦澀襍惡等味復次大仙有諸天人報不純者雖同器食或感赤色或感蒼色乃至黃黑諸襍等色天容無別唯食有異大仙當知彼諸衆生先雖捨施後復悔恨由斯報故獲果如是復有園苑名曰合婚枝條華葉襍糅莊飾百千叢林清淨柔軟猶如水精華果常茂其林樹間諸寂靜身離欲牟尼是所棲集天之男女常所入者皆不爲於貪愛欲樂大仙當知我之弟子最上聲聞驕梵鉢提是婆羅門清淨族子住於禪定慈悲之心以彼等持開敷慈眼入三摩地每經七日方乃一度現出入息彼入定時有隨意風應念而至假使劫火燒於大地成一炎焰於彼禪身無能損害如芥子分而彼支體如彌樓山常所鎮壓難阨龍王及跋難阨有大力勢鼓氣猛烈彌樓山王爲之搖動鼓作呼喻四大

海水變爲鹹味驕梵鉢提入定之時彼二龍王盡其  
威力無能燒亂我此弟子在合幡林而諸天女雖耽  
欲愛覩斯尊者發清淨心以曼陀華及諸蓮華而散  
其上合掌恭敬三十三天諸童子等亦來圍遶持天  
甘露資給供養而此尊者常爲諸天於合幡林說修  
多羅及未曾有無問自說本事本生因緣方廣諷誦  
論議重頌授記譬喻等經時諸天人聞斯法要莫不  
殷勤恭敬尊重復次大仙三十三天有聚會堂其堂  
有柱八萬四千皆以金銀跋闍羅寶碼碯美玉并栴  
檀心結構所成懸鈴坐鐸出微妙聲列諸天衣建諸  
旛幢簫笛琵琶箜篌琴瑟鞞鎧螺鼓妙聲振發天之  
男女互相愛敬和顏慈悅恒所聚會於彼堂中以摩  
尼寶而嚴飾之綠潤瑠璃淨滑如鏡塗香末香襍華  
周徧亦無飄風及諸炎熱毒蛇蚊蟻皆所遠離其所  
居者無有惛睡懈怠之想微風清和徧入林觀其諸  
樓閣幙綱垂覆懸妙寶纓散諸華香百千天女雖則  
愛染而無嫉妬及於鬪諍面貌端正猶如滿月華鬘  
寶珠嚴飾身首妙歌清淨往來不輒復次大仙彼天  
會堂周迴方整長廊寬廣高樹周密猶如陰雲其堂  
四面復有園苑皆百由旬間錯種種金蓮襍華出妙

1 2 3 4 5 6 7 8 9 20 1 2 3 4 5 6 7 8 9 20

歌聲聞者欣悅拘迦那陁樹波梨野多樹拘毗陁羅  
樹以爲叢林大仙善法會堂資玩之具皆是金銀諸  
寶等積聚瑠璃以爲臺榭珍奇寶物充滿庫藏宮殿  
百千莊飾園苑隣接遠近常聞安樂無諸疾苦及餘  
禍患彼之天人於諸園林遊戲旣已還集此堂受於  
娛樂復次大仙三十三天復有別殿名曰善見皎如  
白日淨猶明鏡四面周帀皆以華絰懸布莊嚴有千  
天女藻綴襍華爛耀珠鐸金翠綱旒以爲冠飾象馬  
車乘踐踏往來飛颺金塵處處黃色而於彼殿有六  
萬柱櫨栱重疊遞相輝映間錯奇珍繪以丹彩栴檀

沉水及蘇合香氣氤郁烈用塗其地釋提桓因持金  
剛杵與百千女前後圍遶來昇寶殿娛歡樂大仙  
當知三十三天中有天王名因陀羅其力勇健敵九  
千象坐臂纖好如天象鼻體如淨金筋肉堅密骨脉  
不露臆如師子肚不凸坐其腰束細金線貫纓以爲  
頭飾珠璫晃耀天服脩委天之聲明久已通達撰造  
書論飲食甘露往來常乘伊跋羅象復次大仙彼之  
天帝然其色身非諸骨肉純華所成喉聲清美身香  
殊特假令狂象聞其香氣皆自調善形貌端嚴猶如  
佛身其所輝艷映諸金聚奪其精光皆令黑闇廣博

仙言如來今者讚美天帝甚爲希有爾時世尊告廣  
博曰彼天帝者是無常身下劣之身如脆弱器如假  
剪華亦如畫師圖飾彩繪亦如工人刻木形像又如  
結華不久散滅何足稱歎復次大仙我之弟子有神  
通者名阿那律但以父母所生之身節節支體一分  
之力猶過帝釋時阿那律在於座中聞於如來說如  
是言便作是念今者世尊覺悟於我卽入三昧身光  
赫奕如天新金戴殊勝冠珠光輝映其面潤澤過於  
醍醐其眼紺青如吠琉璃摩尼碼碯及日光珠以爲  
臂飾身光香薰普偏輝耀時廣博仙旣覩斯相心大  
驚愕卽從座起合掌瞻仰生希有心高聲唱言奇哉  
善哉我得人身爲不唐捐今遇世尊發揮聚會昔所  
未覩今乃得見爾時世尊告廣博言彼帝釋身與阿  
那律誰爲勝劣廣博仙言彼帝釋身比阿那律假使  
百分不及其一乃至千分亦不及一佛言大仙於如  
是身不足希有獲福德者隨其所願身相成就爾時  
衆會生歡喜心咸白佛言惟願世尊更爲我等說於  
天趣佛言三十三天彼之天帝最大夫人名曰舍支  
住歡喜園天之綵女百千圍遶容色殊妙猶華開敷  
頬如紅蓮面如金色著諸鮮明細軟衣服嬉遊園苑

1 2 3 4 5 6 7 8 9 20 1 2 3 4 5 6 7 8 9 20

天妙寶華以爲首飾珠纓環珮動出妙聲額廣平正  
 垂金旒鎖其眼纖長如華將開堅誠傾注在於天帝  
 曾無瞋恚鬪諍頃始亦復離諸懷胎之患大仙當知  
 彼之夫人耽愛垢重倍餘天女志意驕倨猶於彌樓  
 及漫阨山幽邃難仰不肥不瘦不長不短體質香潔  
 無諸穢惡風送妙華結而成蓋而此夫人常能發揮  
 如來種性復次大仙三十三天無襍患累而恒遊戲  
 樓閣宮殿其所壽命天一千歲壽將終時有五惡相  
 一者清冷池沼淨如頗胝有所觸者令人欣悅微風  
 輕搖襍華暉映如此池中將欲洗沐變成脂膩時彼

天人見此相已心生怖懼從水跳出奔走林中時諸  
 天女見彼惶遽亦疾隨從止一樹下心生憂惱唉中  
 嘎噎同聲告言仁者如何速捨我等孤居若此時彼  
 天男聲漸哀切作如是言我從昔來未曾有此垢膩  
 現身作是言已其兩腋下忽然流汗彼諸天女見此  
 衰相皆卽遠離於是彼天見諸女去憂惱喘息內增  
 热毒頭上華蔓颯便萎頓所著天衣忽復垢膩天之  
 牀敷襍玩等物皆不愛樂彼諸天女覩如是相知必  
 定歎惡聞穢氣但遙相視發聲戀泣嘎噎酸楚歎言  
 苦哉此細軟身答與我等遊行謙樂於天池中猶如

鴛鴦於善法堂猶如鵝王歡喜園中如迦蘭鳥遊漫  
陁河同於香象在波耶園及拘羅園猶如蜂王處樵  
樹林如天華冠今者云何爲五衰相之所加害捨離  
我等將何處去時彼天人聞是悲歎復增恚惱生大  
怖畏便爲熱病之所纏攝舉身枯悴眼目憚惶猶如  
商人失其徒侶猶如涉海舟船破壞亦如有人失如意珠又如危峯朽壞之樹爲彼猛風搖動吹擊復如  
龍子爲金翅鳥之所銜啄迴遑戰懼合掌告彼諸女言汝等進來願能以手摩觸於我令少蘇息雖作  
是語而諸女等但遙悲泣無有進者各執樹枝遙擲  
心上作如是言汝天福盡當速生彼閻浮提中於是  
彼天聞是言已知被棄捨發聲怨唱奇哉奈何我於  
此中種種資具園苑宮殿與諸女等眷愛纏縛今時  
命終將行死路乃何遙立但謂我言當於閻浮而受  
生耶爾時彼天作是語已復覩常時所遊之處念  
思惟掉舉哀歎發大聲言嗚呼善法堂嗚呼歎喜園  
嗚呼襍樹園嗚呼黃毬石園嗚呼波露沙園嗚呼波  
梨耶園嗚呼光勝園等嗚呼漫陁大河及諸宮殿堂  
室樓閣我於今時制不由已奄相捨離從此墜落憂  
歎未終復見諸女驚惶去來以手拭淚歔欷咨嗟容

卷之三

方正書局印行

三

卷之三

1

0123456789**0123456789****10123456789****20**

顏怖懼復傷怨言嗚呼愛者嗚呼親者如何見我將行死路曾不與語我今臨茲生死長路不亟執別我與汝曹不復見矣嗚呼我今福業盡故見此住居謂如黑闇颯然空曠嗚呼天樂爲不奏耶如何我今寂無所聞嗚呼天中最爲悅樂一切諸天及乾闥婆所侍衛處妙色堅固持金剛者嗚呼我今豈復得見千眼之相在衆中耶嗚呼波利耶華拘毗羅華在我頭上何故萎頓時諸天衆覩斯天人悲惱如是悉皆憂歎爾時妙耳璫者釋提桓因與諸天衆百千圍遶并舍支夫人諸餘妓女及乾闥婆等奏美音樂隨從遊行見於彼天爲五衰相之所逼害將趣死路皆生哀憐同聲歎言嗚呼奇哉彼之無常無少悲愍暴惡毒害釋提桓因以梵音聲告彼天言止止天子我等皆當同歸斯路勿生戀著墮於惡趣時諸天衆亦同告言仁者應當具作諸善往生人間一切衆生修福業地於是彼天聞如是言便自思惟我於今時決定墜落合掌向彼諸來天言汝諸人住天中者與我歡喜而我於今墜落時至作是言已長歎瞻視復現二相一者眼如赤蓮華二者身莊嚴具忽皆隱沒其餘諸天見此之相各持天華而散其上及奏天樂時臨死

1 2 3 4 5 6 7 8 9 20 1 2 3 4 5 6 7 8 9 20

者見餘天衆鼓樂幡華以爲贈送并相勸往卽便樂  
生閻浮提中涕淚哀感自此而絕

# 大寶積經卷第一百二十

校譌

## 第七紙

十六行施宋藏作衣

## 第十一紙

十行天南藏作十六行熱北藏作勢

## 第十五紙

六行者宋南藏作日

## 第十六紙

六行捧宋南藏作奉

音釋

穫

胡郭切刈穀也

蝦蟆

蝦音遐

輶輶

輶音袁車前曲木也

蛭

蟲也又馬蠍也

濠塹

濠音乎

刀

切城下池也

鼙

鼙音擊

防

防音方切

隄

隄音堤亦防也

防禦

禦音禦也

鯈

渠京切鯈研奚切大魚也

鮕

鮕音鮕也

四足雄日鯈雌日鯉

鯈音占罕切面也

犴

犴音古罕切面也

甄

甄音甄以證

切面

上黑子也

萎

萎音危切

輶

輶音厄輶端橫木也

輶

輶音于

輶

輶音輶

切穀

穀也

鴟

鴟尺脂切

正作鷗

鷗似蛟無角吻武粉

府

府也

吻

吻也

切聲

也

讐

讐伊甸切

合

合音合

飲

飲忍九切

頰

頰亂也

人息

息許偃切

張

張切

綠

綠丁果

櫟

櫟音拱櫟杆也

櫟

櫟音櫟杆也

切結

也

脆

脆芮切

歇

歇休居切

欵

欵香依切

欵

欵謂悲泣氣咽而抽息

合梧

梧音昏合梧木

木

木忍九切

櫟

櫟忍九切

櫟

櫟音櫟杆也

櫟

櫟音櫟杆也

高起

也

也

也弱易斷也

欵

欵謂悲泣氣咽而抽息

欵

欵音欵也

欵

欵音欵也

丹陽居士

賀學仁施賈刻此

大寶積經

第一百二十卷

恩江沙彌可震對

儀真王國英書

建陽鄧大成刻

萬曆丙申季秋經山

釋迦寺識

東京大學総合図書館所蔵

大寶積經

卷一百二十

恩江沙彌可震對

建陽鄧大成刻

萬曆丙申季秋經山

釋迦寺識

東京大學総合図書館所蔵

0 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

大寶科綱卷一百三十一

王因英書  
大寶城  
一百二十卷  
恩承天  
願下雲

高珠也風飄飄也悲蕭蕭也幽息

人息

詩林以爲此甚艱。故大爐朴屋以燒香，  
爲穀，然曰穀。人息焉，指舍而名焉。丁果，  
音其無聲也。其無聲也。蓋音盡形出，

合卷

**合** 音同合卦木槩 **禡** 音御也平食饋也又財物也圓直也黃色也而象于山

卷一百一十五

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

